

الروضة الزاهرة

في النبي والعترة الطاهرة

الشيخ علي المرهون

منشورات

مؤسسة المصطفى للتحقيق والنشر

الروضة الزاهرة

في النبي والعترة الطاهرة

الروضة الزاهرة في النبي والعترة الطاهرة

لناظمه

العلامة أبو الفرج الشيخ علي الشيخ منصور المرهون

بِسْمِ اللَّهِ الرَّحْمَنِ الرَّحِيمِ

هَذَا كِتَابُ الرُّوضَةِ الزَّاهِرَةِ
خَدِمْتُ فِيهِ الْعَتَرَةَ الطَّاهِرَةَ
أَرْجُو بِهِ فِي الْحَشْرِ وَالْمَعَادِ
غُفْرَانَكَ اللَّهُمَّ ذَا الْأَيْدِي

النبي محمد صلى الله عليه وآله

ولد في ١٧ / ٣ - توفي في ٢٨ / ٢

علة الأشيا انفطر قلبه او صار نصفين

من كثر ما كاسى من اعداه الفراعين

يا صفوة الجبار الله اشلون صبرك

تغضي عن الأعدا وهم يردون كتلك

او جسمك بالحجاره يضربونه او وجهك

او في شعب مكه يحبسونك أربع اسنين

او تالي اطلعت خايف او جيت ارض المدينه

او جاك النصر بيها او عز الله لدينه

او أعطاك سيفه بو الحسن والعز قرينه

والگوم من شافوا النص صاروا مسلمين

ما يعرفون الا النفاق ابكل الازمان

خالفوا گول المصطفى صفوة الرحمن

ينتهزوا الفرصه عجب والكل فرحان

او بالمرض مشغول النبي عنهم والونين

٨..... الروضة الزاهرة في النبي والعترة الطاهرة

اوتجمعوا عنده اوهو في حالة الياس
ساعه يفيگ اوساعة تخفى الأنفاس
گلهم گلهم دعطوني يحفظکم الحراس
گالوا النبي يهجر عجب سيد النبيين

واعظم مصيبه عند اهل بيته الأطهار
الزهرا اوحسن وحسين مع حيدر الكرار
شافوا يلوج ابروحه الطاهر المختار
جذبوا الحسره والدمع يجري من العين
من فتح عينه المصطفى شاف الحزينه
تجري دمعها والحسن يلطم جبينه
والمرتضى وحسين يجرى دموع عينه
نادى يحيدر باري الزهرا والبنين
اوضم الحسن وحسين في صدره اونادى
اعليكم فتن تظهر من الأعدا تعادى
يحبهم اويشهم والدمع زايد مزادى
اوراد الوصي عنه يوخرهم باليدين

صدّ النبي اوّغال يا حيدر يمناع
اتزودوا مني او أتزود ابهالساع
وتودع امنهم يحيذر هذا الوداع
خلهم يودعونني تراهم كورة العين
أوصي بهم لك يا علي وبنور عيني
بضعتي الزهرا مهجتي روعي اوجيني
في اوداعة الله ياهلي هالجان حيني
ما بعد ملكي الا بيوم الحشر والدين
المصطفى غمض اعينه افاضت الروح
مدده بيده المرتضى والدمع مسفوح
صارت الضججه والملا أعولت بالنوح
مات النبي من بعد فگده نلتجي وين
مات النبي مسوم واخيبة الآمال
بعده الأمور اتكلبت من حال الى حال
واظلمت الأكوان بعده اوحدث زلزال
والزهرا في ذله اصبحت والحسن وحسين

فاطمة الزهراء عليها السلام

ولدت ٦/٢٠ - توفيت ٥/١٣

من بعد فغد المصطفى حلت مصايب

چنها ظلام الليل تترى على الأطياب

بضعته الزهراء انغصب حقها من العجايب

حتى عليه امن البچا انمنعت والونين

اوطلبوا البيعه من الأسد حيدر الكرار

والبيت النبوه جو اله بالحطب والنار

تطلع الينا لو نشب النار بالدار

گالت الزهراء بو الحسن مشغول بالدين

صدت اولن القوم وجوا بدارها النار

والباب بيده كسره ريّس الكفار

بالباب ويلي اتسترت من بدل الخمار

من حس بيها الرجس خلف الباب بالحين

بالجدار أسند ظهره او رجله على الباب

لا تدخلوا بيت البتوله بنت الاطياب

ويلي عصرها بين حايطها والاعتاب

بسما عصرها الرجس سگطها للجنين

واعظم مصيبه لطمه الزهرا على خدها
صاحت بفضه والألم ماخذ كبدها
فضّه اسندينى واسقطت محسن ولدها
في وين حيدر ما فزع ليها أبو حسين
لكن اشبيده والگدر گابض يمينه
ايشوف العدى هجمت على داره ابعينه
اوحط الجبل في رگبته خوان دينه
للمسجد ايباع خذوه واذلة الدين
بس ما أفاگت فاطمه نادت والدموع
تجري على خدينها والگلب موجوع
في وين ابو حسين البطل دفاع الفزوع
گالوا خذوه للمسجد ايباع الرذلين
والناس خلفه او لا أحد منهم يعينه
ينتخي ابحمزه او جعفر او جملة بنينه
طلعت يولي صارخه خلفه الحزينه
خلوا عن الكرار حامي حوزة الدين
طلعت او بيديها الحسن وحسين يبچون
بلچي يرحمهم او عن حيدر يخلون

رد الرجس ليها اولوعها بالمتون
ما رجعت او وصلت إلى المسجد بالونين
على الباب وكفت بيدها لزمتمت اعضاده
گالت دخلوا عن علي سيد الساده
لادعي عليكم بالبلا واشهد شهاده
مني عليكم بالعجل خلوه هالحين
ما ردت الا وحيدر اويها إلى الدار
اوضلت تنوح الفگد ابوها ليل وانهار
تبچي على افراگه اودمع العين نثار
گالوا العدى آذنتا بت خير النبيين
يشكوها عند المرتضى والله عجيبه
ايگولوا له آذنتا الزهرا بارض طيبه
ما تفترا امن النوح ما يسكن نحيبه
ليل اونهار اتنوح ما تهدأ الوگتين
اوغكب الأراکه الكطعوها ابدار الاحزان
تبچي على بوها اودمع العين غدران
او لما دنى منها الأجل خيرة النسوان
أوصت إلى الكرار حيدر بالخواتين

اولمن غضت في دارها صارت الصيحه
وجروا عليها اولادها دمعه سفوحه
اوكل المدينة ناحت بگلب جريحه
اينوحوا على الزهرا الحزينه أم الحسين
وبليل غسلها الوصي الله ايعينه
شاف الأثر بالضلع وجرا ادموع عينه
او كنفها بيده اوصاح في جملة بنينه
گوموا تعالوا اتودعوا من امكم يطيين
الحسنين وگعوا على الزكيه ابگلب ذاهل
او بالصدر ضمتمهم اودمع العين سايل
الكرار وخرهم او مننه الدمع هامل
او بالليل واراها ولا تدري المسلمين

أمير المؤمنين عليه السلام

ولد في ٢٣ / ٧ - توفي في ٢١ / ٩

عزوا النبي في المرتضى خير الوصيين

صابوا الإمام ابمسجده وا حسرة الدين

الله يحيدر تقعد ابادارك والاوغاد

تلعب ابدین الله اوتنفي كل الامجاد

والدين يترجأك تنهض له يالسناد

انته البنيته ينهدم ترضى يبوحسين

من آل أمر الدين لهله ثارت الغوم

ثار الجمل بالبصره من حوله ام الغموم

والفتن گامت كل وگت من حوله اتحوم

والنهروان الثايره من بعد صفين

اوغالوه تاليها يويلي ابشهر الصيام

جاه المرادي او ضرب راسه ابحد الحسام

في وسط محرابه يصلي عز الاسلام

مشگوگ راسه طاح ما بين السجدين

هبت رياح خسوف من طاح ابو الحملات

والجامع انصفگت ابوابه اوگامت اصوات

جبريل نادى بالفضا يهل السموات
حيدر وگع مصيوب گوموا انودع الدين
عروة الوثقى اتفصمت من طاح العماد
طاح الوصي المرتضى اوركن العرش ماد
نال المرادي حيف منه كل المراد
وانگلبت اعليه الخلق من طاح صوبين
گال احملاوني والدماء خضب جبينه
والكل لجله غدت تجري ادموع عينه
شاله الحسن وحسين مع جملة بنينه
جابوه الى المنزل اوخلفه الناس باكين
الله يساعد گلب زينب وم كلثوم
شافوا الولي فوگ النعش والراس مگسوم
صاحوا يبونه اوغدت تجري دموعها دموم
بعدك يوالينا و يعزنا وجوهنا وين
اوباگي بناته جن يلطمن فوگ الخدود
جرّوا الوّنه من لفوا حيدر المعدود
متخطّفه الوانه يولي بروحه ايجود
شگوا عليه الجيب وجرّوا دمعة العين

ضاغت على الناس الوسيعة اوضاعت افكار
كل من يجرونه ويجري الدمع مدرار
جابوا الطيب اوغال نزلت بيه الاگذار
ابذاك الوغت كل الخلگ صارت مأيسين
اولمن نزل بيه الأمر أوصى بوصيته
لابنه الحسن أكبر بنينه او أهل بيته
او بالنوح كل من هله رافع لصوته
شافوه متغير او منه زاد الونين
اتوجه الى قبله اونادى وداعة الله
يا بني حسن باري عيالي الله الله
يا بني عليكم بعد عيني يحفظ الله
فاضت الروح امنه او غمض العينين
والواعيه قامت ابدا ره اوصار الصياح
اولجل الوصي المرتضى حتى الصخر ناح
بلدة الكوفه افزعت كلها ابگلب طفاح
اينوحوا على مصاب الوصي خير الوصيين
گاموا بتجهيزه أهل بيته الأطهار
اوخلوه ابنعشه والدمع علخد نثار

يتظنوا املاك السما لله أسرار
في حيدر الكرار اخو خير النبيين
شالوا التقى والدين في نعشك يحيدر
او منهو عكب عينك على الأيتام ينغر
او هذي الأرامل من ورا نعشك تضور
اتجاوب ابنوح اوبچا كل المساكين
يا كفي لنا منهو الذي وصيت بينا
يشفك بعد عينك يوالينا علينا
كلنا حرم وايتام من يلتفت لينا
جاوب يعزنا يا ضمدا يا أبو احسين
بنودعه ردوا لينا يها الناس
نجري عليه الدمع نلطم لجله الراس
من نرتجي بعده الينا يصير حراس
هذا الوصي المرتضى علة الكونين
هذا عزيز المصطفى هذا وصيه
هذا وزيره اوذا حبيبه اوذا اخيه
بالضلع ما خلا افراگه اولا حنيه
هذا أبو الحملات هذا مشيد الدين

هذا أبو كل الوري كشاف الكروب

الله كشف ييه البلا عن عبده ايوب

هذ محل المشكله خواض الحروب

بسم يطبها ترجع الشجعان لاوين

الإمام الحسن عليه السلام

ولد في ١٥ / ٩ - توفي في ٧ / ٢

أوبعد الوصي صار الحسن في أشد الهموم

كأسى من أعدائه الأذىه أوكل الغموم

أبذله أوهضمه عاش حتى مات مسموم

سبب النبي المصطفى كرة العينين

كأبل أبصره كل مصاييها والأحزان

نجل الوصي سيد كيلة آل عدنان

نعم الخلف بعد الوصي سيد الشبان

منهو نظيره بالكرم والجود والدين

كل الخلق ما حد يلحكه في زمانه

في كرم في جود أو تقى أو عزه أو صيانه

عم الخلايق كلهم وأفر احسانه

مأوى إلى الوفاد ابن خير النبيين

هذا العزيز المجتبى مهجة الزهرا

هذا رسول الله الذي يگبل لثغره

بيجي عليه من يذكر اللي عليه يجرا

أعليه من بعد عينه أوبعد خير الوصيين

ويلي على سبط النبي غاسي مصايب
من بعد ابوه ثارت عليه كل النوايب
ما بين أصحابه غدى او كل الحبايب
مخذول نجل المرتضى بين الشياطين
حتى التجا يصلح بني اميه الأندال
ما أدري سبط المصطفى صاير ايا حال
هذى عظيمه على الإمام اتصدع اجبال
ممثل لكنه لأمر خالگ الكونين
او من بعد هذا أنكرت فعله اصحابه
وتجاسروا گول او فعل واكثروا عتابه
الرجس دس اعليه من جملة احزابه
حتى يگتلوا ابن النبي گوم الملحدين
ومصيبة الفسطاط ما أعظمها امصبيه
هجموا على سبط النبي مهجة حبيبه
وتناهبوا ثگله او دمعاته سكيه
اومطرفه انتزعوا من على راسه الرذلين
الجراح يا ويله طعن فخذة ابخنجر
طاح الزكي من ضربته والگلب فطر

فوغ الأرض والدمع من عينه تحدر
في وين ما أدري بني هاشم الطيبين
هذي المصايب لا مصايب آل يعكوب
تجري على آل النبي من كل جهه اوصوب
امصايب تصدع الصخر وتفطر للكلوب
ومصيبة المسموم أعظم يا مسلمين
عمره تكضى بالأسف والههم والاحزان
والأمر يتولاه امير الشام فرحان
وبن النبي ساكت عن احگوگه اوحنان
ينغصب حگه حيف ابن خيرة الريسين
اتولى الأمر ذاك الرجس خوان دينه
لكنه خايف ما تنام الليل عينه
حتى إلى نجل الوصي مهجة نبينه
اسموم گتاله هداها اوشرب بالحين
سم العدى ويلي عليه گطع لچبده
بالطشت يگذفها اودمعه فوغ خده
يجري على افراگ الأجه بعد فگده
كل وگت يبچي اودمعه تجري من العين

أوصى لخواه احسين من حانت الفرگا
گلہ يخويه ما بعد هالساع ملگی
إلا بيوم الحشر نتلاگا اونبگی
في جنة الفردوس مع خير النبيين
أوصيك يا خويه ابأهلي او كل الايتام
يوصيه او دمع العين فوگ الخد سجام
وابصوت نادى يا هلي اوداعة العلام
والروح فاضت وجهه بيديه الحسين
نادى أبو اليمه يخويه يا عضيدي
هلت ادموعي اوصرت من بعدك اوحيدي
إنت عونى في كل النوايب إنت إيدي
بعدك فلا عيشي حلا يا بن الميامين
جهزه بيده اوسار نعشه فوگ الرگاب
گصده ايزوره گبر جده خير الانجاب
اولن العدى فزعت اله بسهام وحراب
يرموا على نعش الحسن گوم الملاعين
بالرماح فزعت كل بني هاشم او السيوف
گدامهم شبل الوصي كشاف الصفوف

ذاك البطل عباس ابو فاضل المعروف
ضمه السبب بيده او منه تهمل العين
اصبر يخويه اليوم ما هو يوم الحروب
يومك ابيوم الطف يخويه تكشف اكروب
لكن بعد غطع الزند والراس مضروب
تبكى على الرضى يخويه بغير تكفين
من بعد عينك يحرگوا خيامك والايام
أسرى يودوها هديه البلدة الشام
هذي الدنيا اوذا يخويه جور الايام
أصبر على حكم الغضا كل ساع او كل حين

الإمام الحسين بن علي عليه السلام

ولد في ٨/٣ - توفي في ١/١٠

تفصيل واقعة الطف

عطشان سبط المصطفى مغطوع اليدين

مذبوح ظامي ضل بلا غسل او تكفين

الحسين من بعد الحسن ضل بالمدينه

حتى هلك ذاك الرجس خوان دينه

اوبعده تخلف نغله المنكر نيينه

ايزيد الدعي أصل الفجور او أصل كل شين

رسالة يزيد إلى الوليد

بس ما جلس فوگ السرير اصدر أوامر

منها على والي المدينه بالزواج

خذ لنا البيعه يا وليد بوگت حاضر

لا تأخر البيعه وخذها لي من احسين

من يمتنع ابعث اليّ ابعجل راسه

لا تبالي منه او من بني هاشم او ناسه

نذر عليّ ايكون اكسر من اضراسه

عطني جوابه بالعجل من قبل يومين

مجلس الوليد

والي المدينة ارسل الى احسين ابرساله

جاء السبط ويّاه بني هاشم او آله

بالباب وكفهم او طب الههم ابخاله

گام الوليد استگبله او صافحه باليدين

اومروان من شاف السبط داخل عليهم

اظلمت الدنيا على الرجاس او ضاگ بيهم

رحب الفضل والله عجب مهجة نبهم

يضايگوا منه وله يتمنوا البين

گام الوليد اعرض على احسين الكتابه

طالبه بالبيعه او تأدب في خطابه

گال السبط نصبح او ننظر في جوابه

سر على اسم الله گال يابن المرتضى حسين

مروان گام او گال لا يخرج الساعه

حتى يبايع أو يحز السيف باعه

في رگبتي دمه ولا اتهمني اتباعه
گام السبط ضيگ على انفاسه باليدين
يابن الطريد الفاجر الغادر الكذاب
تگتني انت يو وليدك يابن الكلاب
وارتفعت الضجة او هجمت كل الانجاب
اوتلعوا مع حسين السبط حيهم الظفرين

وداع قبر جده وأمه وأخيه
ومن المدينة صار عزم احسين يطلع
راح الگبر جده يودعه اودمعه يهمع
يا جد خذني للگبر ما اريد أرجع
ناداه جده يا حبيبي او گرة العين
لازم الك ترجع او تذبح بارض الطفوف
او تبگی رميه غرض للنشاب وحتوف
اوأهلك واطفالك يسارى فوگ العجوف
في اوداعة الله يا حبيبي او گرة العين
اوراح السبط ودع گبر أمه او عضيده
مالي بعد لگبوركم يالأهل عوده

ايودع اومنه الدمع يجري على خدوده
والكلب من أمه الزهرا انفطر نصفين

خروج الحسين من المدينة

رد منزله اونادى على حيود الهواشم
گوموا يطيبين الأصل من دور آدم
شدوا محاملکم اوهيئوا للفواطم
اهوادج وطيه مزينه ليهم امحضرين
طلعت ابطال الحرب يگدمهم العباس
يتبادرون امر السبط سعياً على الراس
شدوا المحامل زينوها خيرة الناس
وطوها بابريسم اوكل زينه امهيئين
واما الاثغال اللي استعدوا بها إلى السير
منها عگول البشر بسما اتشوفها تحير
ما والله سافر ملك مثله من المشاهير
ما گط سمعنا صار مثله من السلاطين
موكب حسين مكة سافر والملا اتشوف
هيئه ملوكيه اوييها احسين معروف

نظم الموكب شهر اعلامه والسيوف
وهل المدينة ابنوح طلعا له امودعين
طلعا او عباس البطل حامي الظعينه
لحماية النسوان كل سا يدير عينه
ما أدري في يوم الذي كطعوا يمينه
منهو ابمجانه صار يبرى للنساوين
سمعنا رجس صاير بدال البطل عباس
كلما يتيمه اتنوح يضربها على الراس
اوضلت يتاما حسين أسرى بين الارجاس
بيهم عداهم غربوا للشام ناوين
يا حالة الكشرى على ذيك اليتاما
حسرى بلايا اكناع هاذيك الأياما
أسرى بنات المصطفى وين النشاما
يشوفون زينب باليسر وي الخواتين

دخول الحسين مكة المعظمة

واستبشرت أم القرى بابن الرساله

من دخل بيها بخوته او جملة اعياله

زينها نجل المرتضى ابذيك الجلاله
او حجاجها ليها اگبالت بالفرح والزين
حج المبارك على الورى يابن الزكيه
نعمه كبيره على الورى من الله او عطيه
منهو يحج الحجة الحجهها نبيه
ويّ حسين ابن النبي خير النبيين
الحسين من مكه نزل حقت به الناس
هذا يريد المسئله او يكسب النوماس
او هذا العطيه يريد يذهب عنه الباس
مفتوح بابه كل وگت كل ساع كل حين
ما رد احد عن مسئله يگدر عليها
إلا ويعطيها إله ويزيد بيها
ما حد نظيره في زمانه اليسويها
هذي وراثه من هله من آل يسين

الكتب الواردة عليه من الكوفة وغيرها

وانتشرت ابسرعه الجميع الناس الاخبار

اولن الكتب تترى عليه من كل الاقطار

ما اشوف إلا الرسل تترى ايمين ويسار
ايگولوا تعال النا نبايع مستعدين
واما هل الكوفه فلا تنعد كتبهم
اثنا عشر الف گالوا او ازيد في عددهم
اومية ألف سيف إلك گالت رسلهم
اگدم الينا حيهلا يابن الميامين
اتروى الحسين اوضل يتميز البلدان
يا بلد يجعلها اله من دون الاوطان
حتى اختار الكوفه بيها خير واحسان
بلدة ابوه المرتضى مظهر الى الدين

إرساله مسلم بن عقيل للكوفة

وتخير من اهله سفير ايروح ليهم
ياخد اله البيعه او يأكدها عليهم
واختار مسلم ابن عمه يعتنيهم
برسالة منه الى كل المسلمين
مسلم اجا الكوفه او نزل ما بين اهلهما
وتباشروا به والهنا والبر شملها

بايعوا كلهم له الابن سيد رسلها
مسلم كتب اصحابنا النصر ك امعدين
او ما زال مسلم يجمع امنهم الأنصار
ويتهافتون البيعته اصغار وكبار
حتى اجا بن زياد خفيه تحت الاستار
ونذرهم او من سطوته صاروا مخيفين
ساعه اولنهم بايعوا ابن زياد
اونكثوا البيعه اوراح مسلم ماله اعضيد
وتفرگوا عنه اوطلع من مسجده او حيد
خايف يدير ابعينه اشمال مع ايمين

مسلم بن عقيل في دار طوعه

او ما زال متحير يدير ابنفسه افكار
خايف انسدت بين عينه كل الاكتار
غريب ما يندل دربه ضل محتار
ما حد يدليه با لطريق امن المسلمين
طوعه لگاها واگفه تنظر على الباب
اوجا يطلب اميه منها نسل الانجاب

الماي جابت له اوشرب والدمع سچاب
دخلت الدار او طلعت اوصدت له ابعين
روح الهلك ما يحلّ لك توگف عليه
ماي اشربت شترید غيره من عطيه
گلها اودمعاته على خده جريه
مالي اهل مخذول خايف مالي امعين
گالت له مسلم انت بين الناس مخذول
گلها نعم بس جاهم ابن ازياذ مرسول
ايزيد الدعي ارسله او منه ماخذ الگول
گالت له ادخل دارنا يا بن الميامين
گالت له ادخل دارنا لا تخاف آمن
تكفى جميع الشر او كل اهل الضغايين
ادخل على رحب اوسعه وبگلب ساكن
يا بن الأطائب من بني طه اوياسين
ادخلت مسلم دارها او گدمت له زاد
ما أكل منه او ما خذت عيناه الرگاد
وبن العجوزه بس اجا ترثة الأوغاد
گلها اشهاذا الّي إله كلسا تدخلين

گالت له مسلم ضيف عندنا اکتتم لسره
بات الدعى الليل بالشر خافي امره
صبح اوراح الغصير لابن زياد يخبره
آمر له ابخيل اودعا گومه الرذلين

شجاعة مسلم

آمر على ابن الأشعث اوضم له الفرسان
گلهم دروحو جيوا مسلم وين ما چان
ما بين مسلم گاعد يرتل القرآن
ساعه اولن الغوم حاطوا بيه صوبين
بسمما سمعهم گام وتگلد بسيفه
هجموا عليه الدار طلّعهم ابخيفه
طلعوا اومنه كل بطل مزداد خوفه
بالسکه ايحارب وحيد اوما له امعين
جاهم مدد فوگ العدد وتجمعوا عليه
صال الأسد عمر حربها ما اله شبيه
هذا يطيح الراس منه اوذاك لاويه
او هذا جسد طايح اومنه طارت ايدين

وتجمعوا من كل قبيلة اوثار عجبها
بسيوف ورماح اوبل دوى رهجها
لكن من صال الأسد سدد نهجها
اونزلت عليهم صاعقه ما يدروا امنين
تاهت افكار الكوم منه او من قتاله
اوصاروا عليه النار يرموها اونصاله
وسهام او حجاره اوبل كلها اقباله
من فوگ البيوت اصعدو وعليه مضيقين
لكنه ما بالا بهم ليث العرينه
فوگ السطح يرمي الفارس مع كرينه
يضربه ويطيح الكل متوسد يمينه
سئموا قتاله او قالوا احنا لك امينين

شهادة مسلم بن عقيل

قالوا امان الله الك لا تشكي نفسك
احنا بني عمك ولا نطمع بقتلك
يشهد علينا الله الك سالم انوصلك
اسلم اليهم نفسه اودمعت العينين

ويلي اغدروا به اوجردو من ايده السيف
اوجابوه الى كصر الأماره بأسر يا حيف
ومن العطش كلبه تلظى اوجسمه انحيف
من كثرة اجروحه التي صابت الجنبين
الماي جابوه ابعجل غالوا له اشرب
هم بالشرب طاحت ثناياه اوتنحب
بسما دخل شافه الدعي او لله تگرّب
سبه اوسب المصطفى والحسن وحسين
سبه اوجفاه او اظهر اله كل الشماته
وشها الذي له جيت لحسينك اوفاته
إبشر ابكتله ما جرت كبلك بتاته
اوكل هذا ما يشفيني الا أقتل احسين
وابن الدعي أمر على مسلم المغوار
يصعدوا به اعلى الكصر يا حيدر الكرار
صعدوا به اودمعه على الخدين نثار
يبكي على حسين السبط وهله الطيبين
بكر بن حمران النذل جرد حسامه
ويلي ضرب مسلم طير امنه الهامه

ذب جسمه من أعلى الكصر وين الشامه
هذا رسول حسين محبوب النبيين
منهو الذي يودي الخبر لحسين يخبره
بالك تجي الكوفه ترى بمسلم العبره
يخبره بقتل مسلم ويعظم فيه أجره
بانت علامات الغدر من هالردلين

هاني بن عروة

نعمين من صاحب الشيمه الليث هاني
جار الفخر والعز في كل المغاني
في الكوفه ما حد يشبهه بكل المعاني
حامى عن الدين ابجهاده كفو اونعمين
منه طلب نسل الدعي يحضر المسلم
گله ترا ضيف عندي تأبى الشيم
ضيفي اجيبه لك تگتله بالمخادم
او عندي عشيره كلهم حولي محربين
گله تجيبه لو اگتلك يابن عروه
گله اجيبه اشلون ما عندي امروه

اسلم رسول ابن النبي بولية عدوه
هذا عليه عار يجري ابكل السنين
يتكلم اولن الدعي رافع عصاته
بيها ضرب راسه اوصابه من لهاته
اوهاني ضرب راس الدعي ضربه بگناته
وتحاوشوه الكوم كلهم له امكتفين
رد الرجس سبه اوضرب وجهه بگضيه
اتناثر لحم خده اودمعاته سكيه
جره نادا للحبس خلورگيه
اعليه لا تفزع اله گومه المدرعين
ابسوق الغنم طلّعوا هاني عگب مسلم
گتلوه ولا نغار تنهض بيه الشيم
شدوا رجوله برجل مسلم وين الذمم
بالسوگ يسحبوهم عجب وين المسلمين

خروج الحسين من مكة

الحسين من مكة عزم يخرج بأهله
أوحى إلى جملة بينه ايشدوا رحله

تنهتك خايف حرمة الكعبه ابكتله
بسم علم بعداه اله بيها مكمنين
في يوم ثامن خرج يوم التجي الحجاج
والعالم اندهشت او من أجله العرش ماج
ودع الكعبه او ناحت عليه كل الامواج
اوحت اله كل الملا اوكل الأراضي
والله عجب خايف طلع مهجة الزهرا
شهو السبب والخلگ كلها طوع أمره
دس له الدعي اجنود ما تنعد كثره
يردوا يگتلونه ولو بين السجدتين
سبط النبوه ما تمكن يتم حجه
بسم خرج رجت اركان البيت رجه
ضجت عليه كل الملا في فرد ضجه
صاحت عليه اوداع يابن المرتضى حسين

ملاقات الحسين للحر الرياحي

من مکه سار ابن النبي گاصد للطفوف
وعده منه اتراجفت بالروع والخوف

اوبثت عساكرها بجميع جهاتها تحوف
دوريه خلت تطلبه ما تغمض العين
وشراف من جاها ركب الحسين خيم
أمر اصحابه يستگوا اوبالأمر يعلم
باچر تجيه اضيوف وعلى الماي تلتم
سار الركب بالسير أصحابه مجددين
حتى انتصف نصف النهار امن الظهيره
كبر رجل منهم اوضل تايه ابجيره
شافو رجال اوخيل وسيوف شهيره
طلعت الف فارس اليهم مستعدين
ومن الظما كل فرد منهم گلبه يفور
غال السبط لصحابه اسگوهم يالبدور
جاد السبط بالماء عليهم وسط البرور
حتى سگاهم وارتوت منهم العينين

نزول الحسين بكر بلا

بعد الصلاه أمر على اخوانه اوبنينه

ركبوا الفواطم هالأرض ماهيه الينا

راد المسير او حالت العدوان بينه
شتريد للحر غال خلنا وينك اووين
وتراددوا ما بينهم حتى تغاضوا
بالنصف ما بين الجميع الكل تراضوا
يتياسر حسين السبط حتى ايتغاضوا
منه برض الطفوف مدحوره الى حسين
ساروا اولن سبط النبوه يحمد الله
گله الأكبر شالسبب هالحمد لله
گله بيويه خير لكن نحمد الله
هذي هواتف بين تهتف يا ضيا العين
گله بيويه احنا على الحگ لو عدونا
گله على الحگ احنا يابني اونبينا
لا باس نكتل والحگيگه تصير لينا
جزاه ابوه حسين خير اوكل البنين
سار السبط يتياسر او كثرة هواتف
الحر يسير بجانبه الغوله اموالف
ساعه اولن مهر الولي من تحته واگف
يردوه ايسير ابدأ فلا سار الخطوتين

عنه نزل لوح على غيره ولا سار
حتى ركب سبعة اوكلها ترد بعثار
ما اسم الأرض غال اخبروا يا خير أنصار
غالوا تسمى كربلا يابن الميامين
غال البلا جاكم دحطوا نصب الخيام
هذا محط ارحالنا وهنا بالحسام
تنذبح كل ارجالنا اوتبگی الأيتام
تنضرب بسياط العدى وي الخواتين
وهنا يحرگوا خيامنا ويسبو حرمننا
وهنا يذبحوا اطفالنا اوينسفك دمننا
وهناه نبگی بالثرى يسلبوا هدمنا
حطوا اصحابي خيموا نصبو الصياوين
ما ضل بالدنيا وفي إلا صبابه
وعيش خسيس ما إله ترغب ذبابه
حتى المؤمن يرغب ايلاگی احبابه
ما هو أسف يرحل الى روح اورياحين

نزول العساكر بكربلا

بسمنا نزل سبط النبي بالغازية
إتجمعوا الأعداء إليه أو نزلوا سوية
يتكربوا لله بكتل خير البرية
ما حفظوا لله فيه ولا خير النبيين
ضاغت أرض الطفوف من كثرة الجيمان
عسكرت كلها جيشت من بلد كوفان
برماح وسهام أو نبل وبحد لسنان
أفزعت كلها على حسين مرجله أو خياله
وشاهالغيوم تراكمت في أرض الطفوف
رايات وعلام أو رجال اصطفت اصفوف
أرض أو سما ضاغت أولون الشمس مكسوف
وحسين ما وياه سوى نيف أو سبعين

زينب تسأل عن الجيوش

زينب الى خوها لفت تسحب الأذيال
ياخويه شوها الجيش ساوى عدد الرمال

لينا يخويه لو علينا بيّن الحال
بالشر يخويه حسّ غلبي اوهملت العين
كلها بينت المرتضى اودحّاي الابواب
اعليه ترى هالجيش كله يختي انساب
نادت يخويه والدمع على الخد سچاب
ردنا المدينه بعد عينك نلتجي وين
هيهات يكلها والدمع يجري على خده
صبري يزنب للمدينه ماكو رده
صبري على كل الذي ايسووه العده
سلب او ضرب تسفير من فوگ البعارين
صاحت يخويه تنذبح وانا أشوفك
طايح على الغبرا اومگطعه اكفوفك
وبهاليتاما أبتلي وانظر اسجوفك
بالنار يحرگوها ويسبوا للنساوين

رسل الحرب

بن سعد صبح يوم عاشر نادى بالخيل
گومي اركبي الحرب السبط نجل البهاليل

وبشري بالجنه حولي شمس الضحى ليل
والرايه ادناها اورمى اسهامه على حسين
غال اشهدوا لي وكامت الأمره اصحابه
كلهم فرد گومه على أهل النجابه
مثل المطر اسهامهم صابت اطنابه
هذي رسلهم ياهلي گوموا يطيبين

شجاعة الانصار

گامت انصار حسين شبه اليوث السباع
ثبتت ولا والله الكلب من خوفها ارتاع
غابت شمسها اونورها بالكون شعاع
اتريد العدى منهم تفر ما تدري امنين
چنها الجبال الراسيه من ثار عجها
والموت صوت بالعدى احمرت مرجها
ما تدري امنين الفرار انسد نهجها
والله كفوا اونعمين من انصار الحسين
ما تسمع الا الرعد يتلا برگ السيوف
اوشربت عداهم من صوارمهم للحتوف

كل فرد منهم بالكرم بالكون موصوف
جاهدوا عن أهل الخدر عن حامي الدين

شهادة الأنصار

لكن غضبا الباري عليهم حال والگوم
دارت عليهم والمنيه بيهم اتحوم
اگمار وانخسفت اوغابت بين الغيوم
صرعا على الرمضا غدوا كلهم مطاعين
ما ضل منهم غير أفراد گليله
كلهم تفانوا بالثرى گلت الحيله
الحسين ضل بيكي دمع عينه يسيله
حق عليهم يجري دمعه من العينين

شهادة الحر الرياحي

الحر الرياحي من وگع ما بين الصفوف
جاه السبط ينعى اودمع العين مذروف
شافه امطبر بالرماح او ضرب السيوف
خرت ادموعه عليه عنده گعد بالحين

ما اخطت امك سمتك حر يابن الانجاب
يعزز عليه نايم امعفر بالتراب
راسك امطبر جسمك اموزع بالحراب
بالجنه ابشر بالنعيم اوغرة العين
يمسح عن اخدوده الدما حظ له عصابه
والله فخر ما حازه احد من اصحابه
الحر ما يحصى ابعده والله ثوابه
في جنة الفردوس مع خير النبيين

حبيب بن مظاهر

والظاهر حبيب الزكي خير الصحابه
واسى الشهيد حسين مع جملة اصحابه
ماحد وفى ممن كتب غيره اودابه
ايگول اويفعل نجل مظهر كفو اونعمين
لا تنسى يومه بكر بلا من هاجت الخيل
واحربت هاذيك العساكر والرياجيل
طاحت ابيسيفه اشكر من صول مجاتيل
ذكرهم ابحملاته فيهم يوم صفين

يترنم ابالاشعار اويوم الحرب عيده

يحمي عن اعيال النبي تسمع رعيده

من يحمل اوليث الحرب يگصد اوصيده

فرسانها المشهوره بالحمله المدرعين

لكن غضى الباري حتم ينضرب بالسيف

جاه الحصين او ضرب راسه اوگع يا حيف

ينده بيو اليمه اوجاله أمن المخيف

شافه امعفر با لثرى والراس نصفين

عبد الله بن مسلم

اتقدم من اهل البيت عبد الله بن مسلم

من طلع ذاك البدر يمشي من المخيم

حنت اله الكلوب لجله امتلت بالهم

بعده شباب او ما عرف خيل اوميادين

اتودع من احسين السبط والدمع هامل

ودعه اوگلبه حين شافه عليه واجل

ينگتل خايف بعد ابوه مسلم الباسل

ودعه اومنه عليه تجري دمعة العين

صوّل عليهم والكلب ثابت جنانه
واسگاهم المر من سهامه او من سنانه
جاله الملعون او ضرب راسه ابزانه
فوك الأرض من طاح جاه السبط الحسين

العباس يطلب الرخصة

العباس ابو فاضل گمر هاشم او عدنان
جا يطلب الرخصه من اخوه سيد الشبان
ارخصني يخويه يگول او منه الكلب حزنان
يذكر اخوانه او أهل بيته مطاعين
موتور انا ارخصني اريد اطلب ابثاري
يا تاج راسي ما يگر بيه گراري
صد له اخوه او گال من لينا يباري
بعدك ببو فاضل يخويه يا ضيا العين
ما اگدر انا ابگی وشوف اهلي رميه
والله لخلي هالأرض منهم رويّه
گله اجل أطفالنا تبغى اميه
وياك جيب الها يصنديد الميادين

شجاعة العباس

هللت زينب من ركب عباس ورزم
قالت له نعمين الذخر إنت الغشمشم
لوح ابو فاضل اوجا العسكر امخيم
على المشرعه اوصاح بيهم صيحة البين
انذهلوا من الصيحه اوفروا بس بالارواح
اسرافيل يظنوا بو الفضل في كربلا صاح
والمشرعه خلوها له والكلب طفاح
جاها او ملكها اونزل بيها كفو اونعمين
هيس ابيرد الماي منه ترس كفه
گلبه تلظى من العطش ويلي ابلهفه
لكن عطش خوه السبط ظاهر يعرفه
اتذكر اخوه احسين ذب الماء باليدين
رد اوملا جوده اوركب والسيف بيده
والصرع والگربه اويوم الحرب عيده
والرمح والرايه البطل تسمع رعيده
مترهي ايلوح گمر هاشم اخو حسين

شبل الأسد لوح عليهم شبل حيدر
فلل جمعهم والخيول اتياه بالبر
وخرس كل ناظك او منه الجو تغير
آلاف جدلها من ابطال المدرعين
وتلايمت كل العدى اعليه مثل الغيوم
سبعين الف زايد عددها خبر معلوم
اعليهم حمل شبل الوصي كشاف الهموم
فرگ سربهم من حمل ردوا امخيفين
ردت اردود اتحا شمت هاذيك الجموع
اوحملت عليه من كل جهه اوكل صوب الفزوع
شبل الوصي من شوفهم ما ياخذه روع
أرعب اكلوب الكوم نادى وينكم وين
وتراجعوا عنه ولا حد گدر يدناه
منهو الذي يگدر يجي يدنا إلى احماه
والجثث بالغبرا رميه صارت اذياه
من سيف ابو فاضل رئيس الحرب والدين
ناداهم العباس من يبرز اليه
والله لآخذ مهجته حتماً عليه

الإمام الحسين بن علي عليه السلام..... ٥١

مالي عذر بويه ذخري الهالمسيه

ما حد برز له وكلهم ولو مدبرين

شهادة العباس

اولمن عليه دار الغضا كطعوا يمينه

ويساره ثنوا بها اوصاب السهم عينه

والغربه شگوها اووگف حابر ابحينه

طاح العلم گرت من الأعدا العينين

جاله الملعون اوضرب راسه ابعموده

شگ راسه ويلى من بعد كطعة ازنوده

طاح البطل مثل الجبل يهوى بصعيده

ادرکني يخويه صاح راسي انجسم نصفين

الحسين عند أخيه

جاه السبط مدعور يتحجب ابعبره

اومنه على افراگ الأخو منكسر ظهره

ناداه اودمعه منه ابتلت الغبرا

امن النصر خويه من بعد عينك امأيسين

يا خويه من بعدك تراه انكسر ظهري
منهو يعاضدني اومنهو يشد لازري
منهو يشيل العلم من بعدك يذخري
اوهالحرم من بعدك يخويه اوجوها وين
اتشمتت بينا العدى من بعد عينك
شحال هالأيتام من تسمع ونينك
اومنهوا الذي يكفل بعد عينك حرملك
ذوبت گلبي من ونينك يا ضيا العين
الحسين خلا ايديه تحت ظهره يشيله
يم المخيم والدمع منه يسيله
اشلون يگدر يحمله اضلوعه نحيله
ساعه اتبه عباس فك عينه بالحسين
خلني يخويه حسين ما اگدر أنا أسدر
للخيم بيها اطفالنا من العطش تعفر
وسكينه اباب الخيم للماي تنظر
وتقول هالسّا يجينا عمي ابماي المعين
لوجت اوگالت لي يعمي وين وعدك
بيش اعتذر خلني وحگ الله اوجدك

گلہ اشبيدي ياالأخو بيدي او سدك
لتراب اولن الروح فاضت وغمض العين
قام ابأسف يجري على خده ادموعه
اوفگد الأخو ويلى عليه كسر اضلوعه
وتلگته الأيتام وسكينه ابلوعه
في وين عباس البطل ما جا الهالحين
گلهم وگع مطروح حمّاي الظعينه
مضروب راسه با لعمد گطعوا يمينه
بالعلگمي مطروح مگطوعه ايدينه
استخلفوا الله بعد عينه يا نساوين
ضجوا فرد ضجه اودمع العين همال
گوموا نروح المشرعه انشوفه ايبا حال
انگله بعد عينك يوالينا الأنذال
يتهددونا يا لولي ابهرگ الصياوين

القاسم بن الحسن يطلب الرخصة للحرب

شبل الحسن جاسم طلع والسيف بيده

جا يطلب الرخصه اودمعه على خدوده

ارخصني يعمي هالأمر وصلت احدوده
ما اقدر انا ابكى والكلب مني انصافين
كله العلامة من أخويه يا عيوني
اشلون عني تروح وحدي تخليني
من اليباري هالحرم يا بعد عيني
انت التباريهم اشو ما غيرك امعين
رد رجع جاسم خيمته والدمع نثار
محتار من أمره اوغاص اببحر الافكار
ساعه اوذكر عوده الحسن خلى له تذاكر
فكها اوغراها ابفرح راح العمه احسين
شاف الحسين اكتابة العوده اوغراها
هلت ادموعه على الحسن حين رآها
هذي وصيه لك يعمي ماحلاها
او عندي وصيه ارد انفدها ابهالحين
اوگام او أخذ بيده او جابه يم الخيام
اونادي على اهله او زوج اسكينه ابجسام
عريس جاسم زفته احتوف مع اسهام
ونثاره روس ارجال في وسطة ميادين

اَثَابَ العرسِ واللهِ مصيبيهِ صارتِ اكفان

فصلها عمه اعليه او منه الدمع غدران

الله صبرك يا نسل حيدر اوعدنان

ابگيد الحياة انفصل اكفانه باليدين

شافته أمه او صاحت ابصرخه يمظلوم

اسم الله على اوليدي الكفن لابس والهموم

في اوداعة الله يا لولد بتروح للگوم

الله يحرسك يا عزيزي يا ضيا العين

وداع القاسم وشجاعته

الگاسم شبك عمه او منه سال دمعہ

والحسين دار ايده على طوگه يودعه

بالگاع طاحوا والنسا بالخيم تنعه

في اوداعة الله يا ولد خير الوصيين

گلده سيفه او أرسله ابوسطة العسكر

سار ابفرح مثل البدر حق له ايتبختر

غاص ابوسطهم يحصد ابسيفه الغظنفر

گصده عميد الجيش يشگ راسه انصافين

همه كبيره همته بن خير الانجاب
بالسيف يحصد روسها من الموت ماهاب
بالمعركة غنت إله اسيوف مع احراب
هذي عروسه ولد ما خضب الكفين
بدد سربها او شتت صارت بالبراري
شبل الحسن لو صال شبه الأسد ضاري
كل بطل فيه ايگول وين اطي فراري
كل صواعق ممثليه ويني او وين
مثل الغمر جسام يسطع نوره بالكون
عيد الحرب عنده ولا متغير اللون
اتريده العدى لكن عن امبارزه يعجزون
ايذب الجمع فوگ الجمع فلل الجنحين

شهادة القاسم والندبة

انگطع شسع انعاله او أوجب يسويه
والأزدي اجاله من ورا والسيف يخفيه
شگ راسه او جاسم وگع يفحص برجليه
اينادي ابضعيف الصوت يا عمي بالحسين

جاء السبط يركض ابهمه شافه مطروح

جسمه امخضب بالدماء من كثر الجروح

طاح الشهيد اعليه اينادي ابدمع مسفوح

اشبيدي يعمي بالثرى معفر الخدين

يعزز عليه عيني اتشوفك رمية

جسمك موزعينه ويظل فوگ الوطيه

شاله على ايدينه اودمعاته جريه

جابه الى الخيمه اونادي يا نساوين

گومن تلگن جاسم العريس جاكم

جسمه مخضب بالدماء گطعوا رجاكم

نوحوا على امصاب الشباب اللّي شجاكم

طلعن النسوة ايصرخن ايلظمن الخدين

يابن الحسن بعدك شباب اوماتهنت

واستعجلت بالموت عنه ماتونيت

وش هالعرس لقشر يجاسم له تمنيت

ما صار مثله عرس في جملة الكونين

او نادت عليه امه ينور العين جسام

عريس ما اتنهنا او عليه طير البلا حام

اسم الله عليه راسه امطيرينه بالحسام
خابت اظنوني من الولد في كل السنين
ردتك ذخر يابني الغدر خيب لظني
يا يوم الكشر روحك جسام عني
يابني البچا والنوح بعدك صار فني
ما شوف لذة عيش بعدك يا ضيا العين

علي بن الحسين الأكبر
الأكبر علي من شاف ابوه راحت انصاره
جا يطلب الرخصه اودمع عينه ايتجاره
اشلون اضل وهلي غضو وسط المغاره
خلني يبويه أطلب ابشاري ابهالحين
بس شافه واگف صاح يعزيزي بالكبر
اشلون عني اتروح والفرگاک ما اگدر
حن اويچا اودمعه على خده تحدر
اونحو السما طرفه رفع ناشر لليدين
اشهد ياربي على الذي حگنا غصبنا
اوماي الفرات آمنه يا رب منعنا

او هذا شبيه المصطفى فلذة كبدا

احرسه يارب من عساكرها المجيشين

ماله نظير يشبه المصطفى المختار

خلقه او خلقه او منطقته مثله بالانوار

اوفي حملته يشبه علي حيدر الكرار

حفظه برز ليهم لهالنسوه المساكين

شجاعة الاكبر

لوح على ظهر الفرس غصن النبوه

اوكل من شافه اثنى اومنه تلوى

صول عليهم شبه جده ما ايتنوا

تبه عليها ادروبها نجل الميامين

اونزلت على جيش الكفر منه بليه

اوصارت تلوذ اكل كتر وبكل ثنيه

اوسيفه يطلعهم ولا يبكي بگيه

تخسأ عساكرها تكابل شبل الحسين

ضجت اجموع الغوم من كثر المذايح

والروس من فوك الجثث من سيفه اتطيح

٦٠..... الروضة الزاهرة في النبي والعترة الطاهرة

الدنيا اظلمت من فجاج الكون والريح
اغبرت عليهم ما يدلوا ادروبهم وين
بكر بن غانم جدله ابميدان الحروب
خلاه طايح بالثرى بالسيف مصيوب
رد رجع يطلب جايزه والگلب مكروب
عطشان يطلب شربة اميه من احسين
جاوبه حسين امنين اجيب الماي يابني
حچيك حمس چبدي اوبهض حيلي اوفتني
رد للحرب يسگيك جدك لا توئي
ودع جميع اهلك او عمر للحرب زين

وداع الاكبر

الأكبر اجا يودع اودارت به الفواطم
يبكوا على افراگه اودمع العين ساجم
وامه الحزينه اتگول يابني منهو راحم
بعدك يگلبني يا حبيبي يا ضيا العين
الحسين اجاليهن اوگلهن خله ايروح
هذا الامر مكتوب اله بالكلم واللوح

ضجوا فرد ضجه اودمع العين مسفوح

في اوداعة الله يا نسل خيرة الطيبين

شهادة الاكبر

واستگبلوه گوم العدى بسيوف وارماح

مثل الغمام اتجمعوا له ابكل الابطاح

صول عليهم چنه اسرافيل لو صاح

ذكرهم ابحملات حيدر يوم صفين

لكن عليه يا حيف من دارت العسكر

الأكبر عليهم حمل مثل الليث يزئر

منقد اجا خفيه اله اوبالسيف طبر

راسه اوشبك مهره اوفر بيه للملاعين

وتحاوشوه الغوم هذا فصل ايده

بالخنجر اوهذا يغط رمحه ابحديده

بالخاصره اوذا يقطع ابسيفه وريده

حتى هوى بالغاع محزوز الوريدين

نادى ابضعيف الصوت يابويه ادركني

جاه السبط ينعى غبت يالولد عني

صار البجا بعدك ينور العين فني
بعدك على الدنيا العفا بعدك حلا البين
منهو الذي يابني ضرب بالسيف راسك
كللي ضرب منهو الذي خمد انفاك
من سلّبك درعك او منهو أخذ طاسك
او منهو الذي قطع اوصالك يا ضيا العين
منهو سمع يمك بعد عيني ونيك
ومن العمر عشرين ما وصلت اسنيك
حال الكدر يابني بعد بيني اوبينك
ايحاجيه اولن الروح فاضت واسبل ايدين

ليلي تندب الاكبر

الحسين نادى بالحرم گومن ينسوان
جاكم علي الاكبر اموزعينه العدووان
من سمعته ليلي اطلعت والگلب ولهان
ويلي علي ابني طاح ما بين الملاعين
طاحت عليه تصرخ تدگ تلطم صدرها
منهو يفك امك يعيني من أسرها

اسم الله على اسمك طايح امعفر ابيرها
مگطوعه اوداجك يعزي والوريدين
عشرين ما بلغت اسنينك يا حبيبي
ردتك ذخر وانگطع يا وسفه نصيبي
ما ظتتي إلا اتباريني ابشيبي
اسم الله على اوليدي علي بين المطاعين
بعدك على الدنيا العفا يا بعد عيني
ما اريد بعدك عمر ليت الموت ايجيني
يعزيز حال الغدر ما بينك اويني
وسفه عليك اتضل عاري ابغير تكفين

عبد الله الرضيع

ومن العطش ذاك الطفل دالغ السانه
وحسين شاله للعدى اوبين بيانه
گلهم رضيع اسگوه گالوا له عيانه
نسگي رضيعك بالسهم بين الوريدين
رده الخيمه اتلگته سکنه تنادي
بويه العطش مني گطع جملة افادي

كلها أخوك انذبح من سهم الأعادي
اخذوا طفلكم يا هلي مگطوع الوتين
ناحت على هذي المصيه اهل الرساله
وحسين من شافه انذبح گللي اشحاله
حن اوبچا او منه الدمع علخدا ساله
شهو الذنب ينذبح ويلى حتى الجنين
اتلگی السبط دم الطفل من طاح بيده
كفه امتلا يا ويل گلبي من وريده
الله اشحال اليجتل ابحضنه اوليده
اودمه رمى به للسمما دون الأراضين

هلال عاشور

عاشور في افگ السما بين اهلاله
بالحزن في كل الورى اوغير الحاله
اوبالکبر ناحت فاطمه بنت الرساله
والمصطفى والمرضى والحسن ناعين
هليت يا عاشور با لأحزان وهموم
بيك انذبح سبط النبي عطشان مظلوم

ضل بالترب عاري او عليه التمت الغوم
اوراسه براس الرمح عدوانه مشهرين
واما أبو فاضل والكبر بالثرى انيام
والجاسم العريس ضلوا ثلاثيام
كلهم بلا تغسيل ضلوا فوگ الرغام
وانصار الحسين الذي نافوا السبعين
عاشور من هل صارت الوادم ابدهشه
اولبست اثياب السود واستولت الرعشه
اعليهم او كلمن ينظر اهلاله ابو حشه
شنهو الخبر گالوا المحرم يا مسلمين
وش فيه صاير گالوا امصايب غريبه
سبط النبي فيه ينذبح والله عجيبه
اوفيه ينذبح سبع الوغى ليث الحريبه
فيه ينذبح جاسم والاكبر مع السبعين
ضلوا ثلاثيام علغبرا ضحايا
كلهم بلا تغسيل يا وسفه عرايا
والخيل منهم كسرت كل الحنايا
ويلي عليهم بالثرى صرعى مطاعين

الحسين وحيد فريد

الحسين ضل وحده ولا واحد يعينه
ينظر يمين اشمال كل ساعه ابينه
ما يلگى إلا ابنه علي زايد ونيه
والاعدا عليه دارت يويلي اشمال ويمين
او ينظر الى النسوان وسط الخيمه اتنوح
واطفال تبجي والدمع على الخد مسفوح
واجساد مرميه من اهله والدم يفوح
فيها على الغبرا يويلي من الكثرين
ويتصور الحاله عليها تصير الايتام
من بعد عينه تروح في ولية الظلام
أسرى هديه ياخذوها البلدة الشام
هذي المصايب ما جرت إلا على حسين

الحسين يؤين أصحابه

اتوجه على سيفه اودمعاته جريه
يعاتب أهل بيته اليوث الغاضريه

وانصاره الحاموا على ملة نبيه

گوموا يفرسان الوغى حاموا عن الدين

شهو السبب نمتو اوغضيتو عن حرمكم

وايتامكم بين العدى گلت شيمكم

وانا وحيد اوما إلي ناصر بعدكم

إلا العدى غاروا على خيمنا امجيشين

گوموا انهضوا او ذبون عن بيت الرساله

او عن دين جدي المصطفى باروا عياله

او چني اشوف ابني علي مگيد اگباله

راسي على راس الرمح يبرا النساوين

الحسين يوصي أخته زينب

الحسين يوصي زينب اخته او دمعه ايسيل

باري لي ايتامي او حامي عن هالعليل

او حادي الظعن بيكم الى كوفان بيشيل

صبروا على الذل والهضم ماليكم امعين

چني اشوف الحرم ساگوها سويه

والاطفال ويّاهم او دمعتهم جريه

من كربلا للشام ايودوهم هديه
وعدوانهم تتفرج اعليهم امكتفين
گالت يخويه ابتلي باطفال رضعان
وعليل مشدوه ابمرض مع جيش نسوان
حرمه غريبه اشهالمصبيه يابن عدنان
گلهها اصبري باري اليتاما والنساوين

الحسين يودع أهل بيته

احسين السبط نادى اودمع العين هماغ
هذي يزيب يا ام كلثم ساعة اوداع
كلکم تعالوا تودعوا مني ابهالساع
ما بعد ملگی غير عند سيد النبيين
جت له حرم واطفال تگدمهم اسکينه
داروا عليه بصياح وگلوب حزينه
يابو الحميه منهو وصيته علينا
كلنا حريم اوضايه بين الفراعين
اوشاف العزيزه اسکينه تجري دم الدموع
ضمها لصدره اوگال لا تفجعي المفجوع

من بعد عيني ابكي او عليه زيدي اللوع
انت مع الاطفال مع كل النساء
ودع عليه او صاح يهلي اوداعة الله
باروح انا عنكم بعد عيني الكم الله
صارت الضجه من حريمه او كل أهله
في اوداعة الله يا ولينا اوجوهنا وين

شجاعة الحسين عليه السلام

ودع اهل بيته او ركب وتوسط الغوم
وتراجفت منه عساكرها والگروم
وتراجعت من خوف باسه كل الحزوم
تلوى العننه ما تدل ادروبها امنين
ضيگ عليها شبل حيدر كل الدروب
بس وصل ليها اتراجفت بالخوف الكلوب
هذا يطيح الراس منه او ذاك مصيوب
فروا امنه اذياه في برها امخيفين
دار الحرب شبل الوصي من ركب ليها
حلگ ابسيفه الهتمه ضيگ عليها

گامت مراکزها طبگ من حل بیها
نکس روایاها اوزبها علی الجنحین
من حمل ضج العسکر ابکثر المجاتیل
والروس والأجساد کلها ابخافر الخیل
اوفرت اذیاه ابکل کتر منه البهالیل
من صولة ابن الفحل ذاک اللیث العرین
انسی شجاعة کل شجاع ایوم الطفوف
ما یرتجف گلبه الحرب ما یاخذه خوف
داروا علیه من کل جهه برماح وسیوف
وبسهام وحجاره علی ابن سید الوصیین

مصرع الحسین علیه السلام
حاطوا علیه من کل جهه بسیوف ورماح
وسهام وحجاره ونبل ضیگت البطاح
ترمی علیه حتی امتلا جسمه بالجراح
الف اوتسع میه عدد ها زاد تسعین
اوجب عزیز المرتضی گصده استراحه
اولن الحجر فی جبهته صکه ابجراحه

والدم فجر على ثيابه او على اصفاحه
بيده رفع ثوبه او مسح دم الجبينين
سهم المحدد صاب قلبه او فجر الدم
مسموم في قلبه ولا وخر او جدم
او منه وگع فوگ الأرض والكون أظلم
وبكل جهه صارت صوايح تندب احسين
اتزلزلت أرض البسيطة والسموات
والعرش لجله اتزعزع او گامت ندائات
ناحت عليه كل الملا حتى الجمادات
اتنوح ابحزن تندب يا بن خير النبيين
يا ساعد الله قلب ابوه حيدر الكرار
وامه الزهرا او جدّه المصطفى المختار
والمجتبى عضيده او دمع العين مدرار
منهم على احسين السبط يجري من العين
چني اشوف امه الحزينه لاطمه الراس
يعزز عليه يا حبيبي ابخيل تنداس
ما تم عليه انصب لحتى تحشر الناس
واجري على مصابك يعيني دمعة العين

المهرينى الحسين عليه السلام

اوراح المهر يسحب على الغبرا عنانه

ينادي خوات احسين گوموا للإهانہ

سمعوا سهيله او گالوا الوالى لفانه

طلعوا اوشافوا السرج مايل على الجنبين

صاحوا ابصيحه تصدع اجبال الرسيه

ويلي على الوالى انذبح سوده عليه

يا مهر وين احسين طايح بالوطيه

من وين والينا وگع جاوبني من وين

ايكلها أخوك احسين في ميدانها طاح

جسمه اموزعينه العدى بسيوف ورماح

السهم يا زينب گطع گلبه والجراح

ما تنحصي گومي يزينب شوفي احسين

طلعت ابدشه صارخه تلطم على الراس

شهو الذنب ياخويه سويته ابهالناس

حتى يگتلوك العدى من گوم الارجاس

فوگ الثرى عاري اومنك زاد الونين

المجوم على الخيم

بس ما وگع الحسين اجت خيل اورياجيل
هجمت على الخيام نهبوها ابتعجيل
سبوا النسوه اوسلبوها والمداليل
بسياط ايضربوها يويلي على المتنين
سلبوا المگانع واليزر حرگوا للخيام
والسياط تتلوى على النسوه والايتام
تكشف بياديها اومنها الدمع سجام
الخاطر الله اتصيح رحمونا يغادين
ما ضل مأوى شبوا ابخيمتهم النار
اوفرت بنات المصطفى في كل الاكتار
تنادي اهلها ياهلي والدمع نثار
گوموا انهضوا حرگوا خيمنا والصياوين
شنهو صبركم والعدى اتعدت للحدود
سلبوا حلينا او صاحوا العدوان فرهود
وانتو على حر الوطيه يا هلي ارگود
شنهو هالنومه عن حرايركم والبنين

زينب مع العيال عند الحسين عليه السلام

زينب مع النسوان اجت لحسين تنخاه

شافته مرمي بالشمس والنبل غطاه

گامت توخر بيدها النبال او يلاه

اتنادي بياديكم دغطوا الوالي احسين

مدت اياديها او دمع العين جاري

من بعد عينك يالولي ليلي اونهاري

ما افتر من النوحه ولا يگر لي گراري

اولجلك گليل طول عمري تجري العين

ليل اونهاار اتصيح ياخويه يسردال

ناحت عليه او جاوبتها كل العيال

يحسين نايم بالثرى اوهجمت الأندال

اعلينا اوشبوا في خيمنا النار يحسين

سلبوا حلينا واليزر خويه خذوها

والسياط ياخويه علينا كسروها

كلما طفل يبچي او طفله يضربوها

اويمك لفت العيال كلها والنساوين

گوم انظر ايا حال صارت هاليتاما

بين العدى ياخوي وياها الأيامي

ابذله اوهضمه من بعدكم يا نشاما

عيني العما اولاً جنت اشوفك بالمطاعين

الشمر يحز رأس الحسين عليه السلام

طاح السبط فوگ الأرض والگوم ترعاه

يردون يحزوا راسه او يهدوه لعداه

بسمایجون السبط ينظرهم ابعيناه

اتولي امنه خوف چنه غايل البين

بس الدعي شمر الضبابي جاه بالسيف

اوبنعاله داس اعلى الصدر ويلاه يا حيف

اوهبر اوداج احسين ابن حمّاي المخيف

واتزلزلت من فعلته كل الأراضين

الحسين نادى يا شمر سقني اميه

ايگله ابسي في اسگيك يحسين الشفيه

اوهو يگطع ابسي فاه اوداج ابن الزكيه

حتى برا راسه او كبر يا مسلمين

رأس الحسين على الرمح

فوغ الرمح راس السبط تسطع انواره

شافته زينب والدمع منها ايتجاره

من بعد عينك يا لولي صرنا حياره

كلي بعد فرگاك خويه نلتجي وين

بس شافته فوغ الرمح شگت الى الجيب

اوصفكت بياديها اونادت به بالغريب

حنت إله اونادت عليه ويلي بالحبيب

راسك على راس الرمح ييرا النساوين

زينب تخاطب حامل الرأس

هبط يشايل راس اخيي حسين رمحه

بالله على راس الرمح بالك تلوحه

ريح الهوا خافن عليه ايصيب جرحه

هذا العزيز احسين عز المجد والدين

بالله يشايل راس اخيي حسين دنه

حتى اودع راس اخيي او أشمنه

اولمن تجي الأيتام يزودوا منه

او تذكر ايامه او تجري دمعة العين

خيل الأعوجية

واعظم مصيبه هدت اركان السماوات

أشجت فؤاد المرتضى صاحب الحملات

وامه الزهرا والحسن خير البريات

والمصطفى المختار منهم زاد الونين

يوم الرجس نادى يخيل الأعوجيه

رضي اضلوع احسين لا تخلي حنيه

رضيه ولا تبكي من اعظامه بكيه

ركبت اوداست فوگ صدر الطاهر احسين

جالت عليه او كسرت منه اضلوعه

هشمت ظهره والمجد هلت ادموعه

تجهيزهم هذا اله والله فجيعة

خيل العدى رضت صدر خيرة الطيبين

اوزيب تنخي بجدها المصطفى المختار

او تنخي بابوها المرتضى حيدر الكرار

هذا العزيز احسين مرمي فوگ الوعار

او جسمه الى خيل العدى صاير ميادين

الجمال لعنه الله

ضل السبط عاري على الرضا امعفر

جاء الدعي بجدل او حز منه الخنصر

او منه خذ الخاتم عجب ترضى يحيدر

عاري بگی ويلي عليه ابغير تكفين

ومصيبة الجمال ما اعظمها امصبيه

أشجت فؤاد المصطفى اوزادت نحيبه

هدت الأركان المجد والدمعه سكيه

تجري على حسين السبط مگطوع اليدين

الجمال اجا لحسين او يلي واتكى عليه

يسلب التكه يريد اوشافه ما يخليه

راح الدعي يطلب اله سيف او اجا ليه

وانحنى عليه يگص إيده من الزندين

بسمها فصلها اهتزت اركان السماوات

اومال العرش لجله اونزل خير البريات

والزهرا أمه فاطمه اوصاحب الحملات

والحسن كلهم ينظرونه ابغير تكفين

فاطمة الزهراء تندب الحسين عليه السلام

يا بني عزيزي اومهجتي يا نور عيني

ما ينقطع نوحى ولا يفترونيني

ريحانة الهادي أشوفك يا ضنيني

تبكى على وجه الثرى مگطوع اليدى

اشبيدي على اوليدي بگى فوگ الوطيه

مسلوبه اهدومه اوعليه الأعوجيه

تجري ولا خلت من اعظامه بگيه

اسم الله على اوليدي اوعزيزي اومهجتي حسين

يعزيزى غلبى يا ضيا عيني والانفاس

عاري على الغبرا اومنك يگطعو الراس

اوفوگ الرمح علوه اويلي گوم الارجاس

يتلو كتاب الله او آيات النبیین

يا بنى خواتك من يردها للمدينه

يا بنى عليك من يسكته من ونينه

يا بني اطفالك ضايعه اوبنتك اسكينه
اتنادي بعد عينك يبويه اوجوهنا وين

إلى الكوفة

العدوان جابوا للهزل دنوا للججمال
نيتهم ايركبوا الفواطم وي العيال
أسرى حواسر يا خذوهم گوم الانذال
أهل الحميه وين عنهم آل ياسين
زينب اجت اتركب الأطفال وتنوح
هذا علينا منكتب بالكلم واللوح
نمشي اويظل حسين فوگ الترب مطروح
اوعباسنا حامي الظعن نايم بلا ايدين

الإخبار بالسفر

لكن علينا واجب انخبر اهلنا
ونگول بنسافر ولا حد في ظعنا
إلا حرم واطفال يهلي ذا خبرنا
گوموا انهضوا اوباروا ظعنا في البلادين

يحين فوگ اجمال هزل ركبونا
زجر او شمر والگوم ياخويه اضربونا
نستعطف الرحمه ولا هم يرحمونا
لينا العدا ياخويه كل ساعه امهينين
شيمتك ترضى ياأخو نمشي على اكوار
أسرى حواسر يگطعو بينا ها لا و عار
اتعدت يخويه الحد گومك هتكوا استار
اعتب يخويه عليك اوگلبى صار نصفين

زينب والعباس

صدت الى العباس اونادت يا كفيلى
والى يبارى محملى انهاري اوليلى
عباس اخى او كافلى عزي اودليلي
أرد اخبره بالى عزمنا اعليه هالحين
ياخوي عدوانك اجو لينا بالجمال
يردون يركبونا حواسر فوگ الهزال
بلايا ستر عباس ترضى اوكل الاطفال
تنخاك او منها الدمع يجري على الخدين

ما كنت اظنك بالأخو ترضى علينا
نمشي بلا والي الذي ييرا الينا
في وين وعدك هذا وكته يا ولينا
گوم ابوجل باري اطفالك والنساوين
غصبن عليه اعتب يخويه بهذا العتاب
بلايا ستر تعذر مشيناوي الاجناب
أسرى حواسر ركبونا على الأقتاب
والسياط تتلوى يخويه على المتنين

ركوبهم وسيرهم

ركبت كل اطفالها ضل بس العليل
جت له اوگالت يا بن خويه گوم يكفيل
گلها درکبي انت يعمه اودمعه ايسيل
خليني ويّ الغوم لاحزني تهيجين
گالت انا زينب وانا اليحچون عني
صار البچا بعد الأهل والنوح فني
والليل ستري والنهار اليفضحني
جتنا مصايب كربلا ما أدري امنين

مجلس ابن زياد

ابن زياد أمر يدخلو بنات الرساله
في مجلسه ما ادري العليل اشصار حاله
من طبوا اوصار الدعي ينظر لآله
يسئل عليهم وحده وحده ابن الشياطين
او أمر على السجاد يلحگونه بأهله
وتعلگت بيه عمته زينب امذهله
تجري دمعهها تگول يا بن زياد خله
لو گبله اگتلمي تراه اخليفة احسين
خلاه وخذ راس السبط الحسين بيده
ينكث ثناياه الدعي ويلى ابعوده
شافته زينب صرخت اوندهت ابعوده
ترضى يحيدر ينضرب راس الزكي احسين
دارت بني اميه يويلى بزين العباد
ايديه غلوهها او خلو برجله اگياد
ساروا بهم يطوو فيافيها والوهاد
ما اعظمها من ساعه عليهم يا مسلمين

اولمن مشوا نادت الحورا يا ولينا
في اوداعة الله عنك الكوفه مشينا
مشيتنا يا خويه ترى غصبن علينا
ودي اگيمن لوكلت جسمي النسارين

في الكوفة

ابهاحال راحوا حتى وصلوا أرض كوفان
اوظلعوا الى الفرجه اهلهما رجال نسوان
والروس جابوها اوهلت دمع غدران
من كل احد الله شحالة هالخواتين
اوصارت اهل كوفان تتصدق عليهم
بالخبز والجوز اوتمر ترمي اليهم
ام كلثوم گامت تاخذه كله من ايديهم
الصدقة علينا يا اهل كوفه امحرمين
وشكتر ناس من اهل كوفه يودون
البت الرسالة زينب الحورا يشوفون

اولمن اجتهم حاسره عنها يسئلون

گالت انا زينب او عني لا تشدين

دفن الأجساد

بن سعد وارى ابن الدعي جملة اصحابه

او خلا الشهيد احسين نايم على اترابه

اوكل واحد من اهله الدما صاير اخضابه

اجنايز على الغبرا رمية بغير تكفين

ضلوا ثلثيام على الغبرا رمية

اجنايز يويلي امعطله كلها سويه

ما من يواريهما أحد يهل الحميه

هذي شيمكم يابني طه او ياسين

السجاد اجا يوارى اهل بيته او عمامه

واراهم او منه الدمع ويلى ايتها مى

واما أبوه حسين مكسوره اعظامه

ما شاله الا اباريه والهفة الدين

الله يساعد گلبه من شاله على ايديه

واجرى عليه دمعه يولي وانحنى عليه

والخنصر المگطوع جابه وي كفيه
هذا الجسد في باريه والراس في وين
جاوب اوگال لي راسه فوگ الرمح مرفوع
اوزينب عليه تخفگ گلبها اوتجري دموع
اوكل الحرم تنظر اله من گلب موجوع
تذكر ايامه اوتجري دمعة العين

إلى الشام

ضلوا ثلثيام بالكوفه ابهظيمه
ايطوفوا ابراس السبط واطفاله اوحریمه
چنهم سبايا الروم جابوهم غنیمه
او من بعد هذا الشام راحوا بهم مغربین
طول الدرب تبراہم العدو ان الرجاس
كلما بچت طفله يضربوها على الراس
اولا حد عليهم ينغر اويشفگ من الناس
الله بنات المصطفى للشام ماشين
راح الخبر گدامهم مسرع الى ايزيد
ايخبره او امر دعي الذات بالعيد

والبلد كله زينوه اولبسوا اجديد

واصبحت أهل الشام بالبشرى امعيدين

في الشام

يا حيدر الكرار يا خير الوصيين

زينب الى الشام او صلت وي الخواتين

بسم اوصلوا طلعتوا اليهم بالشماته

اوشافوا حريم احسين بالذله اوبناته

غالوا بنات الخارجي جونا اوخواته

يحگ لينا نفرح من أجو فوگ البعارين

بطبول ودفوف اطلعت كلها والزمور

والكفوف حنت والفرح ظاهر والسرور

كلمن يهني صاحبه يومك المحبور

يوم السعيد اليوم غالوها امكيفين

والله عجب كيف السما ما تمطر الدم

والأرض ما ترجف ولا الأكوان تظلم

هذي بنات المرتضى في الشام مغنم

من بعدما داروا بها كل البلادين

اوراس السبط يتلا كفوه من فوك الرمآح
واطفاله اآشوفه اومنها الدمع سفآح
ما ضل شي إلابكا من أآله اونآح
إسلام أهل الشام اآكولوا يا مسلمين

في مجلس يزید

ویزید مجلس عام سوی ابلدة الشام
اوجاب النصاری والیهود او کل الاسلام
وامر یدخلون السبايا حریم وایتام
اوسجادهم مغلول وامکید الرجلین
بحبال خشنه امربطه دخلت علی ایزید
اوزین العباد امکید اویرفل بالحدید
وینک یفارس بدر یا حیدر یصندید
ما احضرت هذا المجلس اوشفت النساءین
وگف بنات المصطفی بالمجلس اوگوف
والله عجب ما یعتري هالکون الخسوف
توگف بنات المرتضى والدمع مذروف
في مجلس الطاغي اومن حوله الملحدین

من هذين يسئل ذيك من يهل المعرفه
ومن الفرح نسل الدعي صفگ بكفه
هذا يهون عليك يا كرار وسفه
من وين صولاتك يفارس بدر وحنين
والراس بيده يضربه بالعود كل ساع
ويگول اخذنا الثار من حيدر المناع
يا ليت كل اشياخي تنظرني والاتباع
شبيه اووليد اوعبته ايحضرون هالحين
من شافته زينب دمعها صار مدرار
راس السبط بيده يضربه وينشد اشعار
يشرب خمر يشتم الى حيدر الكرار
نادت يخويه حسين يا عز المسلمين

يوم الأربعاء

زينب تنادي والدمع يجري من العين
عن گبر اخوها حسين تنشد يا مسلمين
اولمن گضى منهم وطر أمر يردون
لارض المدينه اوجهز الحادي والضعون

اوتلعوا من الشامات للمسرى يجدون

غال العليل الكربلا عرجوا يحادين

ساروا اوجدوا من المسير ابليل ونهار

في يوم عشرين الصفر وصلوا الزوار

من حين لاحت كربلا دم الدمع ثار

وعلى الكبر لما وصلوا وگعوا الخواتين

داروا على گبر الشهيد ابلطم وصياح

جيناك يا لوالي ينادوا بگلب طفاح

صارت الضجه والدمع على الخد سفاح

ويلي على شبل الوصي خير الورى حسين

يا نازلين ابكربلا بالله اخبرونا

من غسل المظلوم من كفن ولينا

من جاب كافوره او من غمض لعينه

من حفر گبره اوسده من يا مسلمين

گالوا لها ضل بالثرى عاري يزينب

بلايا غسل مرمي على الغبرا امترب

اوجسمه يويلي من الدما صاير مخضب

مرمي ثلتيام عاري ابغير تكفين

ابدال الكفن في باريه كفته السجاد

لكن بلا راس اندفن بن خير العباد

گبره يزيب ذا او هذي اگبور الامجاد

من اهل بيته ائمنطعش وانصاره سبعين

على قبر الحسين

طاحت على گبر الشهيد ام المصايب

تندب عليه وتنوح منها الكلب ذايب

ومن السفر جينا يخويه والأجانب

تبرى ظعنا عگب عينك يا ضيا العين

جار الدهر خويه علينا او خان بينا

ابدله او هضيمه من اليسر ياخويه جينا

زوار جينا ليك والگبرك لفينا

اضيوف عندك يا عزيز الروح يحسين

اتمنى دهري يرد ليه بيكم اردود

وترد لبوفاضل اخويه ذيك الزنود

والعز ذاك الچان لينا اعلينا يعود

وانظر بني هاشم وخويه امشيد الدين

دقعد يخويه او شوفنا ايبا حال صرنا
من الشام جينا ليك نشكي لك هضمنا
طول الدرب شمر اوزجر ييرا ضعنا
اوكل من بچا منا يضربوه على المتنين

على قبر العباس

اتعنت الى العباس زينب وي العيال
وگعوا على گبره اودمع العين همال
واذكروا يمينه المگطوعه والشمال
الراس مضروب ابعمد من بعد اليمين
صاحوا بصيحة حزن والدمعه جريه
اونسوان كثره اتجمعت بالغازيريه
كلهم على گبر البطل وگعوا سويه
اوزينب اتنخي بو الفضل يا ليث العرين
بسما طحت جونا العدى حرگوا للخيام
فرهود صاحوا بالحرم خويه والايتم
سبونا من بعد السلب خويه الظلام
اوساگونا أسرى بلا ولي گوم الملاعين

دگعد اوردنا للمدينه يا ولينا

لو گالوا العباس عنك راح وينه

گلها يزینب گولي مگطوعه يمينه

على المشرعه طايح او منه الراس نصفين

إلى المدينة

بعد الثليام أمر علي السجاد

بالظعن يرحل للمدينه خير البلاد

گالت له زينب يا بن اخويه خير العباد

ومن هالسفر شنهي الهديه يا ضيا العين

گلها هديتكم دم الأحباب ودوه

اوياكم الى أرض المدينه لا تخلوه

التموا على گبر الشهيد احسين ايو دعوه

انروح عنك لو تروح اويانا يحسين

ساگ الضعن والدمع فوگ الخد غدران

يبچوا على حسين الغضى بالطف لهفان

او بالشمس ضل مطروح ويلي عليه عريان

ايحنوا حنين النيب ما والله المفترين

او ودوا بشر ينعى السبط لاهل المدينة
نادى يهل يثرب اويجري دموع عينه
جاكم علي السجاد واخواته اوبنينه
كلها اطفال اصغار أيتام اونساوين
طلعت جميع اهل المدينة ابلطم وصياح
تنعى الشهيد احسين واخوانه والاشباح
طلعوا وشافوا الدمع فوگ الخد سفاح
من آل بيت المصطفى يجري على احسين

أم البنين

وام البنين الأربعة تنذب بنهها
لارض البگیع اتروح تجري الدمع بيها
واهل المدينة اتروح تسمعها اوعليها
تلتم تساعدها اوتجري دمعة العين
راحوا بنيني الأربعة اوضليت وحدي
ابهمّ اوحزن ويلي عليهم بيش اجدي
من بعد عباس البطل دمعي اعلى خدي
ليلي اونهاري عليه يجري كل السنين

أيديه كطعورها اوضربوا ابعمد راسه
فوك الأرض طايح اومخموده انفاسه
طاح العلم منه اوشرب بالموت كاسه
بالمشرعه طايح اومنه الراس نصفين
وخوانه طاحو كبله ابخطة الميدان
اسم الله عليهم بالثرى صرعى الشبان
راحوا فدى لحسين ابن خيرة النسوان
لا تدعوني من بعدهم أم البنين

فاطمة العليّة

الحسين سار ابكل هله اوضلت ادياره
ظلمه خليه موحشه اوغابت انواره
في كربلا والوفد جت ردت حيارا
ما شافوا ابها الا العليله زايده ونين
لمن إجو هيجوا أحزان اليتيمه
كالت اليهم راحوا اهلي هل الشيمه
ردوا بالخيبه يالوفد راحت الخيمه
التستظلوا تحت فيها كل السنين

ضلت بعد الاحباب نبجي دابها النوح
على الباب توگف تسئل الي يجي ويروح
اولنها بغراب ايگول جيت احسين مذبوح
في كربلا مطروح محزوز الوريدين
ينعب على دار الشهيد احسين الغراب
امخضب جناحه بالدم والدمع سجاب
گالت له الحسين اندبح گلها بالتراب
عاري طريح ابكربلا من غير تكفين
واضيعتي من بعد ابويه اوذل حالي
ابگى يتيمه ابلا كفيل ابغير والي
والله لنوح اعليه في كل الليالي
طول العمر واجري عليهم دمة العين
أهلي ضحايا على الرمل من غير تغسيل
والروس فوگ ارماع چنها اگمار باليل
اوهادي الضعن بالحرم لو نوى على الشيل
يتفقدا الأطفال راس الوالي احسين

بعض ما قاساه السجاد

ومصايب السجاد ما والله مثلها

گاساه مصايب ما احد مثله حملها

لو واحد تصير ابجبل يشطر لجلها

امصايب عظيمه ما جرت في الأولين

افراگ الأحبه ذوب افاده اوچبده

صرعا بلايا روس عاينهم ابحده

حرگوا خيامه سلبوا حریمه اوچده

سبوه اوداروا عليه من الكتر صوبين

ومن المرض مشدوده مايدري بالعدى

دارت عليه من كل كتر ماحد ابحده

عنه يدافعهم ولا يوصلون عنده

ما غير زينب راحت اتشوف الصواوين

الگوم داروا عليه هذا يگول گتلوه

منهم وهذا يگول رحموا اهله اوخلوه

ويلي اوهذا يگول بالراحو دلحگوه

وبگتله نستافي بگيتنا من الدين

تگدم زجر جر النطع ذبه على التراب

رد اورفس برجوله بن دحاي الابواب

ظل بالترب مرمي اودمع العين سچاب

شافته زينب ونتخت يا خويه يا حسين

هذا عزيزك بالثرى مرمي بلا اوساد

يا خويه اولا فراش عنده ذاب الفاد

من حالته في وين غيرتكم يالمجاد

ثوروا ابعلل لینه انهضوا بسرعه مخلصين

ابطال هاشم وين غيرتكم علينا

هذي العدى أسرى خذونا اوذا علينا

مغلولة ايده الراس منه امكشفيه

فوك الجمل وامگيده منه الرجّلين

الجامعه من حديد في صدره اورگبته

وبها اربع مسامير الله يا محتته

يتصدع الها الجبل من حينه او وگته

او كلما شكى يضربوه بسياط الملحدين

وينظر لعماته وخواته بين العدى

فوك الهوازل حاسره ويلي بلا اردى

أسرى خذوها الغوم للشامات تهدي
والغوم يضربوها اذا اطيح البعارين
اوما زال في محنه اومصيه طول الدروب
حتى وصل أرض المدينه ابكلب مكروب
هما البكا والنوح في النزله والركوب
عمره تگضى بالبكا في كل السنين

مع الفواطم

راحت بنات المصطفى من غير كافل
تطوي فيافي البيد من فوگ الهوازل
وين الغيور اليوم حلال المشاكل
ينظر بناته باليسر فوگ البعارين
راحت بناتك يا غيور ايسر للشام
نسوه ارامل حاسره واطفال ویتام
كلما بچت بالسوط تضربها الظلام
طول الدرب تنخاك يا حيدر يبو احسين
حتى ادخلوها الشام يا حالة الكشرا
بحبال وسفه كتفوا عزيزة الزهرا

١٠٠ الروضة الزاهرة في النبي والعترة الطاهرة

دخلت على يزيد الرجس والعين عبدا

ابذله اوهظيمه اعزيتك يا بن الميامين

اوضل ايتشد عن بنات المصطفى ايزيد

والله رزيه فطرت حتى الجلاميد

گدامها السجاد ومگيد بالحديد

انصبت على آل النبي سيد الكونين

الإمام علي بن الحسين السجاد عليه السلام

ولد في ٦/١٥ - توفي في ١/٢٥

من بعد وگعة كربلا خير البريه

في أرض طيبه كل وگت ناصب عزيزه

ييجي على بوه واخوانه وانصار الحميه

ما لذ اله زاد او شرب في كل السنين

والأعدا منه ما اغفلو في كل الاوگات

يخافون منه يظهر او يطلب الثارات

اونسل الدعي أمر يودونه الشامات

الاگیاد في رجله او مغلوله الأيدین

او أما المصيبه الأحزنت حتى العدوان

دسوا اله السم في شراب اومات لهفان

الله يساعد أهل بيته آل عدنان

شافوه يلوح اوزابله منه الشفيتين

وجهه الباقر بيده اودمعه على خده

ييجي عليه اوكل بني هاشم ابحده

اوسم العدى ويلى عليه فطر لچبده

اومنه گضى نجه آسف على الكونين

١٠٢ الروضة الزاهرة في النبي والعترة الطاهرة

وارتفعت الصيحه اوضجوا فرد ضجه

ارتجت أرض طيبه بكثر النوح رجه

زين العباد اسم غضى بهذي اللهجه

ينادون خلف النعش والشخصه مودعين

الإمام محمد الباقر عليه السلام

ولد في ٢/٢ - توفي في ١٢/٧

أو ضل بعده الباقر ينوح ابدع مسفوح

والناس يعزونه او منه الكلب مگروح

الله اعظم اجرک او ييزي من النوح

إنـت الخليفه بعد عينه للمسلمين

أجر رساله للنبي من آل اميه

اتبعوا اولاده وخلصوهم سـويه

ما بين عطشان انذبح بالغازريه

او ما بين مسموم انفطر كلبه انصافين

مثل الإمام الباقر ابذله او هضيمه

عمره تگضى وينكم ياهل الشيمه

بالسم گضى ياهي مصايهم عظيمه

بالسرج سموه العدى گوم الملاعين

لا تنسى يوم ابن الدعي أمر يودوه

وي ابنه الصادق الى الشامات يهدوه

بس جاهم المصطفى للحر سبوه

هذي گديمه والأبو يورث للبنين

ردوا المدينة والبريد ارسله گدام
نجل الدعي يحرض على خيرة العلام
ذولي خوارج كلهم عن دين الاسلام
إياكم اسمع في بلادي الهم مدخلين
وبلاد مدين وصلوا ليها اضحى النهار
الأبواب سدوها او گالوا الهم يكفار
ردوا ولا لينا تجونا ابوسط الديار
عن دين خير الأنبياء اتو مرتدين
گام اوصعد راس الجبل نادى عليهم
مثل النبي اشعيب لمن صاح بيهم
بگية الله في الأراضى گال ليهم
فتحوا له الأبواب او إجويمه معتردين
اومنها نصب له ابن الدعي كل العداوه
ضل يتتهز فرصه ابگتله ابن الشگاوه
چبده تگطع بالسوموم او ما ايتداوه
ضل بيه ويتگلب يويلي على الجنبين
أوصى بهله او عياله او جملة بنينه
ابنه الصادق والعرك بلل جبينه

الإمام محمد الباقر عليه السلام..... ١٠٥

اوبسما دنى منه الأجل غمضت عينه

اوصارت الضجه من أهل بيته الميامين

الإمام جعفر الصادق عليه السلام

ولد في ٣/١٧- وتوفي في ٧/١٥

والصادق المظلوم غاسى اعظم الأهوال

شهو ذنب آل النبي عند بني الأنذال

حتى ابأذى يتبعوهم كل الاجيال

كلهم طبغ راحوا من الدنيا مغدورين

المنصور للصادق تعمد كل ساعه

بالأذى او هذا صار من جملة اطباعه

احضره كم مره او مد بالسيف باعه

غصده يذبحه في مجلسه ابن الملاعين

ماستحي ايكله اوذا أعظم من السيف

على اهل المروه اولاً أحد ينهاه يا حيف

وبن الدعي ياخذ على اوگوف الولي كيف

گدامه ابن المصطفى وا ذلة الدين

اوتالي سگاه اسموم گتاله ابشرابه

ايلوج ضل بيها اومنه الكلب ذابه

حتى غضى نجه اوضحوا بانتحابه

أهله اوبنينه او كل بني طه اوياسين

غسله بيده الكاظم اولفه بالكفان
اومنه غدى عليه الدمع يشبه الغدران
اومن أهل بيته عليه غدت تسفح الأجفان
منهم اومن كل الورى تجري العينين
خلف النعش كلهم مشو بحاله امدهشه
انت المذهب من بعد عينك ينعشه
يا صادق اهل البيت كل واحد ابرعشه
خايف على نفسه اودينه من الشياطين
يا سر مذهبنا اوياحامي حمانا
والدهر من بعدك ترى ابذله رمانا
اوكل الذي يوصلنا من بعدك جفانا
هذي اليتاما بنوح بعدك والمساكين
والكاظم الله يعظم اجره ابهالمصبيه
ناصر عزيزه ينوح ما يفترونحيه
يذكر مصايب صبّت اعليهم غريبه
بالسم مات الّبي بحياته شيد الدين
يبجي ابنهار ابليل ما يبطل النوحه
يبجي على فگده اودمعاته سفوحه

ياهي مصايب كل جبد منها گروحه

حلت على آل النبي خير النبيين

حلت على آل النبي عترة الكرار

السيف يگطر من دماهم ليل ونهار

ستين من آل النبي ايسيفه الغدار

المنصور گطع روسهم ويلاه بالحين

الإمام الكاظم عليه السلام

ولد في ٢/٦ - وتوفي في ٧/٢٥

باب الحوايج موسى بن جعفر الكاظم

مأوى إلى الوفاد معدن للمكارم

جارت عليه اهل الغدر وهل النمايم

من حرم جده اشخصوه ما ادري الى وين

من حبس الى حبس يدورو به في البلدان

حتى إلى السندي دعي الأصل خوان

جابوا الإمام ابن النبي علة الأكوان

في حبسه ضل يا حيف بن خير الوصيين

ضيغ عليه خلاه اودمعه على خدوده

محبوس اويلي عليه يرفل في حديده

ما راغب الله فيه اوثغل في كيوده

والله عجب خير الوري امگيد الرجلين

ضل الإمام اوحييد ويلي عليه مسجون

ما احد عليه يدخل ولا بيه الناس يدرون

ارباطعش عام الحبس وعليه العيون

من شيعته تجري دمعهها عل الخدين

اوتالي الأمر في رطب دس له السم عدوه
بسما أكل منه غدا منه ايتلوه
وحده يعالج بالحبس ما والله نوّه
ينغر عليه من كل هله اوكل المسلمين
حتى غضى نجهه اومنه فاضت الروح
اولجله العرش مال او تزلزل والسما اتنوح
احماميل اربعه شالت المهجة المذبوح
على الجسر خلوه والخلق دارت الصويين
ارتجت أرض بغداد من گام المنادي
ينادي على ابن المرتضى مهجة الهادي
هذا إمام الرافضه يهل البوادي
گوموا تعالوا افرجوا كل ساعه كل حين
وسفه على ابن المصطفى ماله عشيره
تحميه من الاعداء ولا واحد يجيره
والله كسيره يا بني هاشم كسيره
بيگى ولدكم بالجسر وعليه منادين
بس ابعبا ملفوف فوگ الجسر مطروح
الله يحيدر گلبك امن الهضم مگروح

يعزز عليك ابنك بغي والكلب مجروح

بالسم لكن جوه كل الوري مشيعين

ما بغي اثلتيام عاري فوگ التراب

شيعة نعشه للکبر جملة الأصحاب

ابنوح اوبچا لو يسمعه حتى الصخر ذاب

لكن ابوه ابکربلا من غير تکفين

الإمام الرضا عليه السلام

ولد في ٣/١١ - توفي في ٢/١٧

ويلى على بن موسى الرضا نالت الأوغاد

منه كصدهم غربوه بأغصى البلاد

بالسم كضى ويلي او منه ذاب الفاد

بسمأ أكل كطع الى كلبه انصافين

المأمون من أجل الرضا تاهت افكاره

خايف آمنه ياخذ ابداله الإمارة

ايفكر ابليل انهار ما ياخذ كراره

خلاه من بعده ولي عهد المسلمين

خاضع الى أمر الرضا في كل الاوقات

يتكرب ا بكل الموده اله والصفات

زوجه بنته ونوه بأسمه بالجهات

والسكه باسمه صارت ا بكل البلادين

ابهذي الخديعه كصده ايسكط محله

وتنفر امنه اكلوب كل الناس جمله

لكن على عكس الأمل صارت المله

مستبشره بيه او أهله له امحبين

من شاف زادت له المحبه زاد خوفه

سمه ابرمان او عنب صارن احتوفه

بسا أكل منه قطع قلبه او جوفه

ابها لسم يويلي قلب جده صار نصفين

ما احد من اهله وگت موته حضر عنده

ايغمض عيونه ايمده بيده او يوسده

ما غير اجانب حاضره تبجي ابده

والناس تنعي حول داره من الكثرين

ويلى غريب ابطوس مات ابن النبوه

والسم قطع كبده ولانغار نوه

الله يها لسم في قلب حيدر اشسوى

حتى اشوف الكلب منه صار شطرين

اعليه البتوله فاطمه من الكبر ناحت

والحسن وحسين او علي والدموع طاحت

منهم على المسموم ويلى چبده راحت

امگطعه بالسم غدت منه انصافين

وهل المدينه من اجا الناعي بالهموم

گالوا اشعندك گال ليهم خبر ميشوم

عزكم غضى في دار غربه آه مسموم
غالوا الرضا گلهم نعم لطمو الخدين
ضجوا فرد ضجه اودمع العين نثار
مات الرضا بالسم اويلي بيد الاشرار
من وين جده المصطفى اوحيدر الكرار
ايشوفوا الغريب اللي غضى باغصى البلادين

الإمام محمد الجواد عليه السلام

ولد في ٧/١٠ - توفي في ١١/٣٠

واما الجواد بن الرضا في صغر سنه

اتكصده المأمون نال الغرض منه

ما راكب الله فيه او ما صارت محنة

أبعده عن داره وعن دار الميامين

المأمون جابه من وطن جده البغداد

زوجته بنته ام الفضل وكرام اله زاد

ولمن عليه انكرت أصحابه الحساد

كلهم امتحنوه ابمسايلكم ابها الحين

او ما زال حتى مات واستولى على الناس

المعتصم نجل الدعي من بني العباس

ذاك الذي من هل الديانه هبط الراس

ابسمه الجواد ابن الرضا علة الكونين

اشخصه من ارض المدينة لارض بغداد

وام الفضل ويّاه نالت منه المراد

بسمه وصل بغداد حطت كل العناد

وتجاسرت سمت إمام العصر والدين

غمضت عين ابن الرضا او ماجت الأكوان
كل الملا ناحت عليه بدموع غدران
وصفه غضى مسموم ويلى عالي الشان
بالسم يويلي كطعوا كلبه الرذلين
ماله ذنب غير المفاخر والفضايل
ابن النبي امنزه ولا عنده رذائل
ابهذا عندهم يستحگ كل الغوايل
دسوا له السم او كضى بن خيرة الدين
مات بأرض بغداد ما احد من هله وياه
غالته الأعداء بالسموم اومات او يلاه
كل اهل بغداد افزعت تبجي على فرگاه
ابن الرضا بالسم كضى واضيعة الدين
وين العشيره من بني هاشم الأنجاب
يشوفوا الجواد ابدار غربه بين الاجناب
بالسم چبده امكطعه او منه الكلب ذاب
غالوه بالسم او كضى نجل الوصيين

الإمام الهادي عليه السلام

ولد في ١١/١٥ - توفي في ٧/٣

والهادي من بعد الجواد ابوليته اعداه

ابذله او هضمه بينهم صاير اويلاه

ابخان الصعاليك احسبوه والگيد آذاه

في بلد غربه نائيه عن البلادين

في سر من را اتگصدوه ابكل أذيه

وامر عليه ألي نكر دينه اونبيّه

في بركة الأسباع يرموا ابن الزكيه

من نزل ليهم جو اله كلهم مسلمين

او أمر عبيده ابليل يهجموا عليه في الدار

او ياخذوا كل الذي فيها من آثار

هذاجزاء المصطفى او حيدر الكرار

ألي ابسيفه شيد الإسلام والدين

مصحف لگوا بيها اوسيف ماله اچراب

هذي أثاث ابن الوصي دحاي الابواب

وين المكاتب التي منها الدعوي ارتاب

الله حسبيه اليوم تنصب للموازنين

او لما الحيله عيته اغتاله بالسموم
دسها اله سر او شرب منها المظلوم
ذبحها على افراش المرض ويلى والهموم
ايعالج ابسمه اومنه زاد الونين
أصبح يعالج علتة والدمع غدران
في بلد غربه ضيعوا حگه العدوان
حتى گضى اودين النبي اعليه أسفان
مسموم مات ابن النبي واضيعة الدين
بسامرا گامت بالبكا واللطم والنوح
تندب على فگده اومنها الدمع مسفوح
من ينخي بعدك دين جدك إلمن يروح
يابن الرضا المسموم بعدك نلتجي وين
والعسكري جهز ابوه والدمع منه
يجري على خده اوغدى يجذب الونه
واراه في گبره اورجع والنوح فنه
كل وگت يتزفر او دمعته على الخدين
الله يعظم أجره في هذي الرزيه
والفگد ابوه العسكري ناصب عزيه

آل النبي كل وگت ليهم في البريه

امصايب كبيره ترتجف منها الأراضين

الإمام الحسن العسكري عليه السلام

ولد في ٤/٤ - توفي في ٣/٨

اتبعوهم بالأذىه بنبي العباس

هذا رحمهم غيبوا منه الأنفاس

هذي العداوه سابقه من بني الأرجاس

منهم على آل النبي خير النبيين

وابن النبي العسكري مهجة الكرار

كاسى اشكتر محنه او أذيه من الأشرار

ابكل الأذى يتكصده ريس الأشرار

حتى سگاه السم او گلبه صار شطرين

بسم شرب للسم او يلي فطر گلبه

اومنه يعالج صار ويلي باشد كربه

حتى گضى نجهه او صاروا باشد نكبه

أهله ودين المصطفى وكل المسلمين

سامرا ضجت بالنواعي اوكل الصياح

ابن الرضامات او عليه الدمع سفاح

لجله العرش مال او تزلزل ركنه او طاح

وسط اللحد غاب البدر علة الكونين

العسكري بالسم غضى في دار غربه

بين العدى عاش ابهضيمه او أشد كربه

قطع يويلي السم مهجته اوفطر گلبه

اوفي گبره ناح المرتضى سيد الوصيين

ضاعت بعد عين الحسن جملة الشيعه

اوضاگت بعد عينه بهم أرض الوسيه

اوكل فرد من أعداه بعده أخذ روعه

من بعد فگد ابن النبي واضيعة الدين

الشيعه ارجفت من مات كافلها اوضمدها

واللي نصب ليها العداوه ابشر گصدها

تِيهت من بعده دربها اوضل رشدها

اتولت امرها حيف أحزاب الملحدين

گلب النبي المختار والزهررا البتوله

والمرتضى الكرار كلساعه ابجليله

اتلوع يويلي با لهظم من كل گبيله

امصايب عظيمه ما تقتر كل السنين

باللحد هذا غاب اوذاك الخوف مخفيه

خابت العالم من بعد خير الترجيه

١٢٢ الروضة الزاهرة في النبي والعترة الطاهرة

من بعد عين الغاب عن عين الباريه

والله عجب خايف او هو أمن المخوفين

شكايه وندبه لصاحب الأمر (عجل الله فرجه الشريف) ١٢٣

شكايه وندبه لصاحب الأمر (عجل الله فرجه الشريف)

ولد في ٨/١٥

ما شوف غيرك ذخر يالوالي الينا

كل فرد منا الطلعتك ينظر ابعينه

يمتى نشوفك والعلم رفرف عينه

وش هالصبر منك يوالينا لها الحسين

ضيغت الاعداء بالظلم أرض الوسيه

وتراجفت من خوفها جملة الشيعه

عاشوا بالذله او راحت العزه المنيه

ابليل اونهار خايفه شر الشياطين

ما تهتني ابزاد او شرب والليل ما اتنام

تتهدد ابسلب النفس في كل الايام

تنخاك كل ساعه انتهض يا نسل الاكرام

خلصنا من جور العدى او هضم الملحدين

يابن الحسن دنهض ترى طالت الغيبه

داست ثنيتك هالعدى والله عجيبه

ما تدري چنك بالجري في أرض طيبه

مات النبي مسموم كلبه انفطر نصفين

ومك الزهرا بين حايطها والاعتاب
عصروها ويلى وسگطوا الجنين الاصحاب
والعين محمره بلطمة نسل الكلاب
والسياط تتلوى يويلي على المتنين
وكسروا الضلع منها اوغدت تنخي يفضه
تنادي النغل ضلعي ابصير الباب رضه
ما أظن يرضى ابن الحسن ما أظن يرضه
أمه الزهرا اتطيح يسگط منها الجنين
او حيدر علي غصبوه اويلي اوهجموا الدار
اعليه اوگادوه ابجل أصحابه الاشرار
والزهرا خلفه طلعت وتنادي يكفار
خلوه اوردو لوعوا منها الجنين
او مازال في ذله او هظيمه بين الارجاس
حتى المرادي غاله ابضربه على الراس
منها گضى نجه اوخفى گبره على الناس
خايف يحفروه العدى گوم الملاعين
والحسن عمك بالهظم گضى حياته
صالح عدوه والعدو أظهر شماته

شكايه وندبه لصاحب الأمر (عجل الله فرجه الشريف) ١٢٥

من سمته جعيده او دنت منه وفاته

منعوه ايطوف ابجده اوفزعوا مسلحين

او عن جدك حسين السبط ما أدري شاذكر

ياهي مصيبه اعظم إلك عنها أخبر

كلها عجائب في عجائب والجرى مر

للشار گوم انهض وخذ يابن الميامين

وهلك گضو بالسم كلهم يا وليهم

وش هالصبر منك ولا تنهض اليهم

منهو هذا الشار غيرك يمته بيهم

تصرخ تنادي يالشارت الميامين

الخاتمة: الاعتراف بالذنب والتوسل بالأئمة عليهم السلام

يارب اعبيدك علي الخاطيء المذنب
اذنوبه كثيره منهو يگدر ليها يحسب
ذنوبي عظيمه لكن اعظم إنت يارب
اغفر له ذنبه لا تكتبه في المسيئين
يارب أتگدم إلك في يوم الحساب
واذنوبي كثيره ايتيه عنها كل حساب
والمعامله تطلع يرب طبق الكتاب
مدري بيساري اکتابي هذا لو باليمين
يارب إنعامك عليه كل مسيه
تتري وگابلها يرب بكل خطيه
ما أستحي منك ولا اذنوبي خفيه
ابذني يربي أعترف كلساعه كل حين
ابجاه النبي اتوسل اوعترته الأطهار
تغفر لي يارب ولا تدخلي النار
إنت الکریم انت الرحيم انت الغفار
اغفرلي ما غيرك ارجي بجاه الحسين

الخاتمة: الاعتراف بالذنب والتوسل بالأئمة عليهم السلام ١٢٧

مجهودي هذا او غايته يهل الكرامه
أرجو تـُـقبلونه او تبينوا لي علامه
حتى الكلب يطمئن مني بالسلامه
بيكم افوز ابيوم يعرضوا للدواوين
يا رب وفكني إلى خيرة الأعمال
من فضلك الواسع ارزكني او كل الآمال
في خدمة اهل البيت عطني بكل الاحوال
مالي وسيله غيرهم للدنيا والدين

فهرس المحتويات

الروضه الزاهرة في النبي والعترة الطاهرة

٧	النبي محمد صلى الله عليه وآله
١٠	فاطمة الزهراء عليها السلام
١٤	أمير المؤمنين عليه السلام
١٩	الإمام الحسن عليه السلام
٢٤	الإمام الحسين بن علي عليه السلام
٢٤	تفصيل واقعة الطف
٢٤	رسالة يزيد إلى الوليد
٢٥	مجلس الوليد
٢٦	وداع قبر جده وأمه وأخيه
٢٧	خروج الحسين من المدينة
٢٨	دخول الحسين مكة المعظمة
٢٩	الكتب الواردة عليه من الكوفة وغيرها
٣٠	إرساله مسلم بن عقيل للكوفة
٣١	مسلم بن عقيل في دار طوعه
٣٣	شجاعة مسلم
٣٤	شهادة مسلم بن عقيل
٣٦	هاني بن عروة

١٣٠ الروضة الزاهرة في النبي والعترة الطاهرة

- ٣٧ خروج الحسين من مكة
- ٣٨ ملاقات الحسين للحر الرياحي
- ٣٩ نزول الحسين بكربلا
- ٤٢ نزول العساكر بكربلا
- ٤٢ زينب تسأل عن الجيوش
- ٤٣ رسل الحرب
- ٤٤ شجاعة الأنصار
- ٤٥ شهادة الأنصار
- ٤٥ شهادة الحر الرياحي
- ٤٦ حبيب بن مظاهر
- ٤٧ عبد الله بن مسلم
- ٤٨ العباس يطلب الرخصة
- ٤٩ شجاعة العباس
- ٥١ شهادة العباس
- ٥١ الحسين عند أخيه
- ٥٣ القاسم بن الحسن يطلب الرخصة للحرب
- ٥٥ وداع القاسم وشجاعته
- ٥٦ شهادة القاسم والندبة
- ٥٨ علي بن الحسين الأكبر
- ٥٩ شجاعة الأكبر
- ٦٠ وداع الأكبر

فهرس المحتويات ١٣١

٦١	شهادة الأكبـر.....
٦٢	ليلى تندب الأكبـر.....
٦٣	عبد الله الرضيع.....
٦٤	هلال عاشور.....
٦٦	الحسين وحيد فريد.....
٦٦	الحسين يؤبن أصحابه.....
٦٧	الحسين يوصى أخته زينب.....
٦٨	الحسين يودع أهل بيته.....
٦٩	شجاعة الحسين عليه السلام.....
٧٠	مصرع الحسين عليه السلام.....
٧٢	المهر ينعى الحسين عليه السلام.....
٧٣	الهجوم على المخيم.....
٧٤	زينب مع العيال عند الحسين عليه السلام.....
٧٥	الشمر يجز رأس الحسين عليه السلام.....
٧٦	رأس الحسين على الرمح.....
٧٦	زينب تخاطب حامل الرأس.....
٧٧	خيل الأعوجية.....
٧٨	الجمال لعنه الله.....
٧٩	فاطمة الزهراء تندب الحسين عليه السلام.....
٨٠	إلى الكوفة.....
٨٠	الإخبار بالسفر.....

١٣٢ الروضة الزاهرة في النبي والعترة الطاهرة

- ٨١ زينب والعباس
- ٨٢ ركوبهم وسيرهم
- ٨٣ مجلس ابن زياد
- ٨٤ في الكوفة
- ٨٥ دفن الأجساد
- ٨٦ إلى الشام
- ٨٧ في الشام
- ٨٨ في مجلس يزيد
- ٨٩ يوم الأربعاء
- ٩١ على قبر الحسين
- ٩٢ على قبر العباس
- ٩٣ إلى المدينة
- ٩٤ أم البنين
- ٩٥ فاطمة العليّة
- ٩٧ بعض ما قاساه السجاد
- ٩٩ مع الفواطم
- ١٠١ الإمام علي بن الحسين السجاد عليه السلام
- ١٠٣ الإمام محمد الباقر عليه السلام
- ١٠٦ الإمام جعفر الصادق عليه السلام
- ١٠٩ الإمام الكاظم عليه السلام

فهرس المحتويات..... ١٣٣

الإمام الرضا عليه السلام..... ١١٢

الإمام محمد الجواد عليه السلام..... ١١٥

الإمام الهادي عليه السلام..... ١١٧

الإمام الحسن العسكري عليه السلام..... ١٢٠

شكاية وندبه لصاحب الأمر (عجل الله فرجه الشريف)..... ١٢٣

الخاتمة: الاعتراف بالذنب والتوسل بالأئمة عليهم السلام..... ١٢٦

فهرس المحتويات..... ١٢٩